

0 10 20 30 40 50 60 70 80 90 100 110 120 130 140 150 160 170



Kodak Color Control Patches

1
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28
29

第十八册

卷四十五 傳第十

列傳十

列女

卷四十六 傳第十一

列傳十一

列女

卷四十七 傳第十二

列傳十二

列女

1591654

傳第十三

列傳十三

列女

Blank space for the main text of the biography.

常德府志卷四十五

列傳

列女 武陵

三賢婦



傳第十三



習氏武陵人丹陽守李衡妻也吳建興中衡守丹陽瑯琊王
 休在鎮數倚法侵削之妻數諫不聽休求徙會稽避焉及
 休立衡懼欲奔魏妻曰叛逃求活亦中國所惡也且何面
 目見中國人乎瑯琊素慕名欲自顯於天下終不以私怨
 故讐守法吏可詣獄表前失求罪衡從之詔遣還郡

附史

嚴氏周行逢妻行逢果於殺戮嚴氏諫曰人情有善惡安得

一概殺之乎行逢怒曰此外事婦人何知嚴不悅給曰家

田佃戶以公貴頗不力農多恃勢侵民請往視之至則營

居以老歲時衣青裙押佃戶送租入城行逢往就見之勞

曰吾貴矣夫人何自苦邪嚴曰公思作戶長時乎民租後

時常苦鞭撲今貴矣宜先期以率眾強邀之無留意因曰

公用法太嚴一旦禍起田野間易為逃行逢為少損五代史

明李氏武陵人冀元亨妻見元亨傳

國朝

楊氏仁和周晉瑛妻順治初晉瑛合瀘溪同長子殉難氏

喪攜諸孤寓武陵遂為武陵人初遇潰卒為掠氏從

曰我瀘溪殉難周令妻夫死忠子死孝吾今得死為幸不

可犯也言迄痛哭卒感嘆而去經畧洪以事聞子贈蔭

陳氏吏部尚書楊超曾妻超曾不置妾媵氏以勤儉相夫成

清名處貴盛不改寒素時稱女宗狀行

賀氏武陵諸生龔世載妻歸九年世載故翁姑老子大萬幼

貧幾不能存活氏委曲堅持大萬卒成名姪大慶甫二齡

父母早逝賀並撫之成立登仕籍狀行

王氏給諫趙慎畛之母幼誦書史通大義慎畛籍成名其先

有遺業畀其從經理逋欠纍數千氏為斥產拯之女紅得

伯僱力掩埋郭外暴骸親黨有急及無告者率周卹之

五代 烈婦

苑氏馬希萼妻希萼楚王馬殷子與弟希廣爭立苑氏諫曰

兄弟相攻勝負皆為人笑希萼不聽苑泣曰禍將及子不

忍見也赴井死 統志 按湖廣 總志 苑氏 桃源 人其時尚未有 桃源不知何據

明 烈婦

物氏邑庠鮑啟登妻年二十餘啟登死子延年入郡庠以文

行稱崇正末氏扶孀姑喪之圍堤獻賊入常經其居延年

不屈死幼孫恆亦罵賊死氏顛足視賊曰吾子若孫皆死

子何甘獨生願求一死賊捨之而去氏呼天曰吾夫早

正守子繼後乃吾事也今子孫俱死吾事已畢當見

下獨不忍骸骨暴露遺吾夫羞爰抱薪厝火於茅屋下適

風發火烈人莫敢近氏凜凜危坐顏色不變有頃三尸俱

燼 舊志

熊氏庠生趙昌年妻流寇陷城熊被執不從賊以刃斫其兩

肩熊罵曰殺則殺耳何斫為賊剖其腹而死 統志

譚氏周笏妻流寇陷城被執不從罵賊死同里有羅三才妻

亦為賊所獲賊欲殺其夫其子以身蔽之遇害氏遂赴水

死 統志

陳氏賀氏皆吳崇教子婦也夙嫻家訓獻賊陷城為賊所獲

兩人俱罵賊賊先殺陳以脅賀賀罵愈厲賊復殺其子賀閉目大罵賊怒剖其腹將盡罵猶未絕噴血丈餘而死統志

鄭氏楊鶚妻鶚官川湖總督崇正末賊猝至氏率二妾樊氏

陳氏及三子行遇賊城隅賊脅之跪叱曰朝廷命婦肯跪

賊邪顧謂兩妾曰而等艷色必遭所污何以見而主地下

兩妾伏劍死氏中鎗洞胸觸城死三子亦遇害統志

鍾氏生員鄭人眉妻年十九為賊所擄囚禁最慘飲食不進

逼之不從拔髮嚙肉以寄其夫云誓不污身寧甘一死賊

怒割至胸前罵不絕口而死統志

艾氏庠生潘澍妻年二十餘流寇陷城史趨赴水水淺露髮

賊以鞭纏髮起勒令上馬史怒罵不止賊截其口即以口血噴賊面賊亂刀磔之而去統志

何氏熊某妻舉家陷賊中何謂其夫曰君當與兒脫歸以存

嗣妾請死無為俱屠因伺賊他去夫負子行即投水死統志

王氏廩生龍賓妻崇正開賓倡義禦賊被執見害賊入其

室氏倉皇以剪自刺不殊賊縛之曰速告我金活汝氏噴

血罵曰殺我夫我尚求活乎賊怒殺之時年三十七舉家

被害子人倡以省叔憲於宿松任所得脫彭北海作傳畧

云夫以義死妻以節殉崢嶸千古觀者可以興矣志稿

艾氏廩生龍人伯妻年三十餘人伯故苦志十五年以罵

賊慘死時稱貞烈 全上

賈氏庠生姚鉉妻獻賊寇常舉家避兵賈同婢匿宅後土窰
內婢探賊為所覺並執欲辱之賈抗罵不屈拾石自損其
容賊怒連砍數刀死挾婢以去夫得尸葬九農岡

陳氏尹某妻時流賊肆掠遇賊恐為所辱赴水死

國朝 烈婦

張氏談可由妻乾隆乙丑春母病偕夫省親適母思飲張為
炊湯厨下弟之舅姚某乘醉欲犯之張急呼夫至某遁去
氏羞忿投環死乾隆十年 旌

黃氏皮應維妻歸皮夫旋病日侍湯藥求以身代病劇

絕夫故哭不絕聲不飲食者數日翁姑及父兄勸慰之終

無一言葬畢自經死

按通志作皮啟
浩妻誤今正之

王氏韶繼舜妻年二十四夫卒遺孤紀在抱哀毀幾絕服闋

舅姑將嫁之氏泣陳大義堅不可奪乃加以鞭扑禁其飲

食氏採野粟自全越二年有黔商以厚金聘翁許之令其

姑防守氏知不免給之曰媳之報夫心已盡矣但念幼子

弱女遺累老人耳姑以其有回心防少懈氏乘間自縊是

夕槽馬悲嘶空中金鐵皆鳴聞者烈之

上俱
通志

楊氏王曰龍妻借人屋以棲夫傭氏積以食戊戌春日龍病
不能傭氏亦因夫病廢績不舉火者數日逮秋大旱氏乞

食養夫曰龍謂氏曰病與飢荒齊迫豈有生理爾旦夕守我勢且俱死何益今及吾生為爾尋一門戶爾無翁姑子女何害氏泣拒之未幾曰龍死氏哭之哀鄉人憐而葬之氏赴葬所謝眾曰予向之不即死者以夫病未死死未葬今事畢矣願相從地下歸遂自經時年二十七 志稿

石氏文方蘇妻粗知女箴方蘇卒僅一女舅姑俱逝氏欲自縊以殉為家人所覺不果後竟赴水死年三十三嘉慶十四年 旌

鄔氏胡振翰妻性貞淑孝養得翁姑歡偶因膳後家人避暑室外有比屋胡某者突入逼狎氏峻拒救免憤哭不止

夕投繯死邑尹楊聞報烈之給取義全貞額 全上

李氏黃昌臣妻家貧勤苦有志操戊戌歲太旱飢饉游臻黃不舉火者屢日或有諷之嫁者忿起作色曰人所以別於禽獸者以其有廉恥也辱身而生不如全節而死餓死與病死等耳叱其人出夫婦閉門而死比閭憐而葬之 全上

彭氏梁朝凱妻生一子甫數月夫沒殯後即自縊其姊歐陽氏凱弟朝棟妻也年二十朝棟沒生一子三月而殤氏矢志守義撫其姪底於成年六十終 全上

周氏季渾妻渾字無懷崇正拔貢有文名 國朝林中丞薦入經畧洪幕洪疏薦之歷官西安府知府氏生一子之逢

順治戊子同夫避兵湘鄉為賊所掠赴水死康熙六年以覃恩膺封

章氏漢鎮船戶女武陵張方開妻氏素知大義乾隆戊戌歲饑甚夫欲奪其志氏涕泣勸以忍耐且日姑老子幼奉事撫養無人其夫強之夜靜投河死

李氏庠生張文超之子婦年二十五無出而夫亡文超夫婦前卒所有遺基族人賣之氏不能入館賜依於戚家縫紉以為生氏有姿首或利其嫁以飛語誣之氏不得已乃歸諷之嫁業有成議氏具詞鳴官得中止居二年卒出娶者強嫁之三日而縊死解其衣重重縫固於懷中得其亡夫

之靈帛聞者烈之增

明節婦

張氏周冕妻武陵人冕任指揮僉事卒張誓死守節永樂中事聞旌總志

張氏武陵林德成妻年二十德成卒斷指自誓守節明宣德

中旌統志子鳳儀以人材徵

黃氏常德衛人徐瑄之妻瑄仕本衛指揮成化初備禦潯州陣沒氏將從死親族勸止之撫孤壘成立襲世職宏治初亦歿於潯復撫孤孫輔歷節四十餘年嘉靖中事聞旌表

舊通志

萬氏武陵御史陳策之子貢生大韶妻幼隨父璇任通書史

韶卒氏年二十七欲自經姑勸止之會逆瑾誣策坐罰米

若干氏脫簪珥易米輸之乃免課子錄領鄉薦嘉靖中旌

舊通

志

劉氏武陵龍凌霄妻期年生子甫半月凌霄疾篤嘆曰吾死

幼子誰託氏泣曰君脫不幸吾忍負君凌霄卒劉年二十

二矢節孝養舅姑撫子成諸生嘉靖中旌

舊通志

王氏武陵楊應期妻年十九而寡遺腹生子曰孝誓死守節

舅得惡疾支離床第氏浣滌穢惡孝養備至教子孝成諸

生孫伯高孝廉

舊通志

吳氏 吳經妻年十九而寡遺孤二歲家貧鬻地

守節養姑土豪侵凌逼嫁氏毀容終節嘉靖中旌

舊通志

陳氏補百戶劉達妻年二十而寡矢節撫孤復天撫孫成諸

生壽九十見曾孫崇信舉孝廉事聞旌曰節壽

舊通志

譚氏武陵陶國清妻年二十而寡生子得仁方二歲遺腹生

孝兒舅始相繼歿氏鬻孝兒襄事以績紡經營久之得償

其值贖孝兒以歸苦節五十餘年詔旌其門

舊通志

朱氏高可行妻年二十四而寡遺腹生子誓不他適舅姑相

繼歿家益貧終無二志事聞旌表

舊通志

黃氏廩生張鵠妻年二十五而寡家貧撫孤四十餘年事聞

旌表 舊通志

韓氏貢生史策妻年二十而寡遺腹子載章撫教成立年八十餘萬歷間旌 舊通志

彭氏生員柳東仲妻仲負美才早世彭年二十生一子誓死守節事舅姑以孝聞 舊通志

喬氏武陵黃鶴鳴妻年十九孀居撫遺腹子一寧成立事舅旌表 舊通志

李氏鮑之管妻武陵人年二十四寡居撫子嘉猷成立歷三十餘年人無間言 舊通志

諸氏生員季登雲妻年二十四而寡矢志守節撫孤嗣先嗣

宗遺腹子嗣璘文譽並著事聞旌表嗣先嗣宗俱殉國難

舊通志

楊氏王萬齡妻年二十夫故止遺一女適石某女復歿撫某

外孫米霜莞獨歷五十四年 舊通志

羅氏武陵賴光恩妻年二十五而寡撫孤婚娶孤復天氏更

撫孫成立備歷艱辛事聞詔旌 舊通志

戴氏衛庠生陳昌期妻年二十三夫卒欲以身殉舅姑諭以

撫孤乃止克盡孝道教子成立事聞旌表 舊通志

成氏武陵陳某妾孝廉陳其道庶母其道甫期月失恃氏撫之乳哺備至六歲而孤家益貧氏辛勤課讀其道舉於鄉

氏始卒 舊通志

劉氏廩生楊歸儒妻年十八夫病歿孀居六十餘年年八十
九終 舊通志

敖氏武陵唐誼妻適唐生一女夫歿難死氏矢志守節以女
妻龍斃死於兵敖與女相依為命母子完節

向氏武陵李開元妻年二十二守節子允甫二歲撫以成立
道府獎之 舊通志

李氏武陵譚徵言妻鄧氏譚繼周妻徵言卒李年二十七遺
孤繼周五歲繼程二歲家素貧乏李績紡自給課二孤力
學歷二十餘年繼周登賢書之任鄧西卒於途其妻鄧氏

年二十九聞訃欲從死李哭曰汝從夫死得矣乃欲以
孤累老寡婦耶鄧乃從命姑婦苦節終身 舊通志

龍氏趙氏張氏武陵陳佐聖妻妾也龍知書史生一子歿為
夫娶趙氏趙子歿復娶張氏張生二子長穎次汝鞠之如
親生夫卒於官扶櫬備嘗險阻以家事付張惟以教育為
事初佐聖娶張後趙即清齋繡佛張亦良家子事上接下
恩禮兼盡夫沒時年俱未二十亂離辛苦同志守貞 通志

楊氏生員季嗣先妻嗣先殉寇難氏事孀姑勤儉甘貧撫孤
立鄉里稱其賢節長子渾仕 國朝歷官西安府知府

按通志楊氏與姑諸氏合傳謂嗣先夫歿守節今考忠烈
嗣先殉寇難再查季氏家譜亦未有守節年分事實姑仍

通志附錄於此

以上俱舊志湖廣通志

國朝節婦

譚氏進士譚性學孫女武陵生員唐諧妻也年十九而寡撫

孤祚培僅三歲康熙壬子選拔孫待徵待聘俱以闕經傳

廣文守節五十餘年康熙三十四年旌 通志

葉氏常德衛蕭宗蔭妻少寡苦節終身康熙四十二年旌

通志

陳氏常德衛楊山樛妻樛卒陳年十九遺孤農基甫數月

陷常德舉家離散陳偕稚子從屢避艱苦備嘗後農基五

孫紹綬成立紹登康熙己丑進士累官至布政使

康熙四十七年旌 通志

靳氏武陵張玉璿妻年二十二玉璿歿靳矢節事姑以孝聞

吳逆之變避亂陽山賊追之急赴急湍中得岸旁樹枝以

免復逃深山失路遇虎虎躍去其後母子復相聚人咸嘆

為苦節所感康熙四十八年旌 通志

熊氏武陵劉體安妻年二十四矢志守節撫教前

妻子庶其及其子庶承庶成諸生 通志

譚氏武陵陳之妻身姑以家貧恐不能終守婉諭使嫁氏

泣曰婦所以不死者以身姑在今言若此何以生為撫孤

大彥成立雍正三年 旌 通志

常氏武陵楊系妻年二十八而寡孝事孀姑治家嚴肅教子

仔曾成諸生雍正三年 旌 通志

李氏武陵項大模妻年二十一適項甫六月而大模故無翁

姑伯叔遺腹生子應昌啣哀鞠養遭寇亂逃匿山中教子

成立官給額獎之 通志

梅氏武陵吳自元妻嫁未半載翁歿姑病足氏扶持備至自

元復羸弱嬰疾姑歿未踰月自元繼殞氏年二十二兩變

相仍慟絕復甦者數次繼念一綫孤兒三柩未厝強起經

營教子有成勵節四十年乾隆二十一年 旌 通志

氏武陵楊萬遇妻年二十夫亡無子撫姪支培成諸生

歸試舟沒洞庭支培妻項氏年二十二撫子珍游洋復歿

志徐氏年二十二其撫孤孫世祿補邑明經三世艱貞鄉

里稱之 通志

周氏武陵陳人龍妻龍故生子瑛纔八月食貧守貞承順翁

姑姑歿傾奩具營葬嫂郭氏亦孀居相好郭死窆甚其棺

衾氏皆任之乾隆二十二年 旌 通志

梅氏武陵生員劉和義妻年二十四適劉甫二載夫歿無出

而家貧撫族姪復早夭有疑其意變者合其母探之氏聞

遂投河救免自此絕不歸寧依孀姑以終族親屢欲呈請

旌表輒止之日氏聞其妻守義惟念兩鬢令女全貞初無一脈婦人不再嫁分也何以名為壽七十五乾隆元年

旌通志

陳氏梁國朗妻武陵人年十八適朗生子朝楠未週而朗故

年二十一嘔血絕粒族黨力勸乃復食奉養翁姑治家勤

而有禮畧無詬訐聲撫朝楠成立補諸生尋病歿撫孤孫

亦列邑庠時稱節義無雙壽七十一乾隆元年 旌

通志

彭氏武陵康應章妻年二十一夫歿遺腹生子之元奉翁姑

待婦如撫子姪皆出盡其道終年七十二守節五十一年

乾隆元年 旌通志

氏武陵壽蕪民妻生員壽愈恬母嫁年十七夫卒氏年二

十六愈恬甫五歲堅志撫之舅姑繼沒氏葬祭當禮教子

愛而能勞乾隆二年 旌

余氏武陵楊之岷妻嫁年十八越四載生子浩將二周而之

距殞養姑撫子父母以家貧慮不克終諷其再適氏泣然

曰烏烏倘哺其母虎狼亦顧其兒卒終孝養子賴成立乾

隆二年 旌

黃氏武陵聶官成妻嫁三載有子愈光纔七月官成故時年

二十一家無恆產以紡績為生舅姑年老氏日不再食而

晨夕潔馨盡養兄嫂余氏生子未彌月而故氏竝己子兩

乳之撫蓄訖無倦意乾隆八年旌

劉氏岸生陳士碩妻年二十五夫沒家貧子儒儀皆穉氏矢志終守姑病侍湯藥不懈恆種園蔬自給親戚有憐而憚之却不受儒儀邑諸生

李氏武陵人年十五適戴瑄瑄素多病李事之衣不解帶者數年年二十三瑄卒遺二子撫之日以紡績養舅姑歷四十餘年

鍾氏武陵吳應吉妻夫沒氏年二十二子世卓甫二歲茹貧以奉舅姑世卓成立為娶婦楊氏世卓復歿楊年二十一撫孤子國聘與姑同志守節

葉氏邢嘉謨妻年二十二嘉謨歿子銳在抱值歲饑氏奉翁姑不缺甘旨教孤銳成立而殞媳楊氏亦矢節不二奉翁終養勤儉有壺範

陳氏武陵廖士虎妻夫故氏年二十一子方周晬氏事姑孝子六歲復歿立侄維理為嗣娶媳周氏生一子而維理故周氏年二十亦踵姑志守節乾隆二十一年邑儒學周贈雙節聯芳額

趙氏生員梅常煒之妻生子方六月婦歿氏年二十七舅姑乖白賴氏奉養撫孤成立

陳氏武陵梁國亮妻夫歿遺孤月餘氏年二十六家貧甚無

以營葬柩停宅傍號泣三年積紡績之資營葬其夫事舅姑皆出女紅撫孤成立歷節三十餘年

夏氏武陵顧其言婦性堅正寡言笑生子應松甫一月其言死氏撫育勤劬遇凶歲忍饑茹苦壽六十九乾隆九年

旌

張氏顧應松妻生三子長世瑛次世瑤遺腹生世瑤應松故氏年二十四仰事俯育堅苦無異志世瑛壬子舉於鄉乾隆

隆十年 旌

周氏武陵武舉梁惟勤妻早寡無子其兩侄為後其翁姑俱年過八十奉侍無怠翁姑歿喪葬祭皆加禮足不下堂言

不出閫幾四十年乾隆十年 旌

楊氏武陵徐禹汲妻年二十二適汲子樹人甫一月夫沒茹貧守節姑病十年事之倍謹教子以義方苦節而終

蔡氏武陵鞠思成妻年二十七夫故家貧紡績撫孤守節三十餘年

王氏武陵唐再采妻父瑛為曲沃令贅采於署以翁姑年邁其子遠離乃請於父與采同歸奉養年二十八采沒遺二孤尚幼截髮矢守二子俱成立

楊氏武陵朱愈淳妻淳沒氏遺腹生子堅志撫之奉繼姑以孝年八十餘壽終長孫雲煥登壬午賢書

余氏黃啟翼妻武陵人年十七適黃越五年生子志遠夫旋
故誓守靡他
有諷以再醮者氏峻拒之終翁姑喪孀居三十餘載子列邑庠乾隆十一年旌

楊氏監生龍昭明妻年二十七昭明沒時氏有遺腹未分娩
泣請姑命撫伯子龍坤為嗣既而生子氏教養一體娣姒
無間言家計亦裕周卹鄰里急難以賢惠稱兩子俱援例
入成均乾隆十一年旌

劉氏武陵吳世紳妻年十七歸吳次年夫死氏將絕粒以殉
翁姑勸止遺腹生子卓撫之守節四十六年卓妻唐氏年
十六歸卓生子廷策方五歲卓病故氏哀慟毀裂奉姑育

子姑亡喪葬如禮雍正十年廷策遽殞子任六歲氏復撫
之有成乾隆十五年與姑劉俱膺旌

汪氏武陵覃煜妻父浩任山西巡按御史煜泰順知縣尙錦
長子也煜故氏年二十四遺子陞元甫九月及長為娶偃
師知縣郭振女生子學顏陞元復死郭年二十八與孀姑
同守撫孤成立

李氏武陵陳士漢妻夫故子統甫三月氏年十八家窘甚翁
姑憂之氏矢志以媳代子勤紡績教子成立奉養八十翁
姑有司旌其門上俱湖南通志

石氏歐陽應燮妻年二十一守節姑病劇割股以進遂愈康

熙五十八年 旌統志

謝氏庠生龍之濤妻年二十夫故撫兩孤間關亂離俱成立
子樸貢生氏治家整肅五十年不聞咳唾聲康熙中 旌

龔氏樊維都妻氏年二十一都故遺孀生男姑卒喪葬盡禮
子長就傳每歸必問課程成立補諸生守節四十八年乾

隆元年 旌

印氏季方泰妻婚五載而寡時年一十六子松甫週孝養翁姑
教子嚴明母兼父道松郡明經乾隆二十三年 旌

楊氏裴鰲妻德州衛守備楊之偉之女鰲卒氏年二十一歲
絕粒累日不死子鏌登武進士乾隆二十五年 旌

裴氏張方解妻年二十六守節撫孤歷三十餘年乾隆五十
二年 旌

貴氏曾之珙妻年二十夫故遺孤五月撫之成立乾隆三十
四年 旌

邢氏舉人龍英明妻年二十八守貞撫姪光奎入縣庠年三
十復殞氏與媳戴氏同孀守戴又先氏沒撫孫尙鏗入邑
庠年七十乾隆三十四年 旌

陳氏李如楫妻歸李數月夫沒年十八撫伯氏子成立乾隆
三十六年 旌

陳氏蔣文魁妻年二十一夫沒子龍生五月撫之成立乾隆

四十五年 旌

楊氏鄧聰妻年十八歸聰生子甫兩月夫故年十九翁姑隨

沒奉祖姑孝養守節五十四年乾隆五十二年 旌

邱氏趙啟昌妻歸趙四載夫故氏年二十六守節四十一年

乾隆五十七年 旌

白氏戴大瑩妻年十九適戴四載而寡遺孤有典補邑庠事

舅姑以孝待族屬以恩歷節三十一年嘉慶五年 旌

蕭氏戴大善妻大善篤學以癯終氏年二十一與妯同守節

三十餘年撫姪有權為嗣補邑諸生嘉慶五年 旌

蕭氏唐志英妻年十八夫卒子甫五月守志嘉慶四年 旌

梁氏表國用妻年二十適國用時染病未起合香至不能片

拜婢有遺腹生子朝杰甫五月生母逝氏撫之成立新轉下全

吳氏劉如浚妻適劉甫越月夫卒氏年十九撫夫兄子陶瑞

為嗣年七十二卒

李氏龔自玉妻姑鄧姓守節撫孤氏父素豐歸自玉甚貧屏

鉛華躬勤紡績以事孀姑姑卒自玉毀瘠嘔血死氏營葬

夫姑於桃源祖塋往返三百餘里撫二子飲食教誨皆取

給十指兄弟或周之辭曰吾夫故清貧今得舅氏助恐後

不給孀居四十餘年未嘗一修容飾至老猶嚴閨範

雷氏胡宏烈妻宏烈兄弟六人俱先後逝越二年宏烈復物

故氏年二十五子甫二歲舅姑皆老家故貧採菱實蓼本
以自食奉舅姑務蓄甘旨撫子成立守節三十餘年
陳氏文宗同妻宗同屢困童子試遠出無耗後聞客死於蜀
舅姑欲奪其志矢死靡他無子以夫弟子元采爲嗣年七
十餘

邵氏李世相妻年十八生子甫八月而夫故家貧姑利其嫁
待之虐示意於妯氏跪投於姑曰兒之不嫁爲姑子與孫
計卽以爲舅姑計何相逼耶姑語塞而家益窘氏委曲承
順無幾微怨姑亦爲其所感姑晚年病癱瘓手足非人莫
舉氏晝夜左右者約六七年姑歎曰吾口不識人幾失孝

婦年八十有六

丁氏魯仁蘭妻年二十九夫故一子甫週歲家貧甚養殮不
給夫叔欲奪其志氏向夫靈稽首流血告夫族及父母家
以死自誓教子成家至老猶勤紡績

周氏楊景醇妻幼嫻女訓年二十歸楊越三十夫故氏扃戶
自縊翁姑覺救甦操作不出閫外母家兄弟至亦隔帷與
語撫叔子爲子叔歿無出氏曰吾有後不可合叔無後還
之年七十餘卒李濂妻阮氏年二十八而寡操行清潔與
周相等

楊氏堵昌妻年二十一昌赴試溺死撈之數日不得氏痛甚

赴水頃之與尸俱出幾斃復甦子可選可進氏年五十

陳氏阮錫祚妻歸阮數載姑程氏以子零丁體復羸瘠急欲得孫將爲子納妾慮不相歡示以意氏曰媳蓄此念久矣恐姑惜費耳今奚疑已而納妾梅氏生子甫四歲而祚亡

陳氏年三十偕梅氏守節年八十七卒長孫次孫相繼早逝孫婦俱陳姓皆守節年逾六十兩世四節

徐氏譚祖瑜妻年二十四夫故遺孤二舅姑早逝伯叔欲奪其志氏知之因別葺茅於隣舍旁日夜紡績三旬九食以爲常夜臥草衣中其子卒克有成歷節三十餘年

莫氏劉福禮妻年二十三歸劉甫一載夫亡無出且貧一日同姑往山中採栗實遇虎欲啣姑氏哀伏求代虎旋去立夫兄子爲嗣歷節四十餘年

蕭氏莫賢肫妻生一子夫故氏年二十三姑多病齒盡落氏以口咀物供食之二十年如一日教子有方歷節五十餘年

馮氏莫賢英妻生一子夫故氏年十九舅姑俱沒人欲奪其志以死誓依母家茹荼撫子年七十餘

李氏莫及幹妻年二十歸莫二載幹故遺腹孳生二子幹臨終以二親託氏姑性嚴少不如意輒楚撻之氏愈恭謹後遂愛如己出課子攻苦午夜紡績倦則自刺其肱二子心

惻得不自廢歷節四十餘年

梁氏莫賢備妻生一女夫故氏年二十四姑病篤氏同寢十
餘年穢汚非人所堪氏拂拭澣濯無厭意立姪為嗣歷節
三十四年

袁氏莫及銘妻適莫五年生子女二銘卒氏年二十三紡織
供舅姑舅姑琴瑟素不調氏積誠解之勤於課子少不遵
輒自撻以懲歷節四十四年

姚氏邑庠生賴文華妻夫卒氏年二十三無子撫 曰氏次子
國英為嗣聘覃氏英有惡疾欲辭婚覃聞力止之歸一載
英故覃年二十一撫遺腹子姑媳俱年八十餘官給額獎

陳氏廖體華妻年二十四夫故撫子全德氏父翁皆十
成其節年六十餘

方氏生員梁一棟妻年二十二夫故遺腹生一子舅老且病
氏憂甚夢蒸熟山薑可愈採製進之而舅病痊家亦貧舅
嗜魚蝦雖盛暑隆冬必求取為膾年七十五

畢氏王信妻湖北黃岡畢乾女乾從叔父之沅州任過武陵
遂寄藉焉氏適信生子三信卒氏年二十三家甚貧伯姒
等諷使改嫁氏以死誓其兄自黔幕過郡欲挈氏歸黃岡
氏閉戶不見紡績灌園以活諸孤四十餘年未嘗出園外

周氏袁朝椿妻生一子夫亡氏年二十三姑病目翳已三年

醫不治氏禱於神夢授以五更熱舌舐之可愈氏日舐姑
目遂漸明歷節三十年

鄭氏李應奇妻年二十一夫卒子甫周歲氏十指擘畫上事
下撫有奸猾凌逼之死守不移子娶陳氏生三子年二十
八子復卒姑婦全守節鄭年七十五陳年七十七

劉氏生員覃璠妻年二十八夫沒長子娶巨氏次子娶林氏
巨年十九林年二十九而寡奉孀姑至七十歿林子三長
娶喬氏年十八而寡每引刀自刺欲以身殉姑勸乃止尋
卒次娶周氏年二十八而寡季娶梅氏年二十四而寡二
氏哀毀守節後鄰火延燒己屋二氏護二姑出烈焰中無

所傷巨年七十三林年八十二柝繼逝家貧無立錫而殯
葬費繁二氏皆拮据以成禮梅撫周子爲嗣娶張氏亦年
二十二守節奉姑蓋四世節孝云

孫氏劉某妻姑患疾氏侍之三年不懈屢諫夫延師力學年
二十五夫故無出有利其嫁者鳴夫族泣訴曰予姑年三
十撫孤今予夫死劉氏絕矣姑安託族人憐之爲立族姪
爲後年五十餘

趙氏柳培福妻柳家貧年二十四夫卒遺孤二長三歲次未
週叔與娣利氏嫁數愬於姑姑誤聽遇之虐欲嫁之氏以
死誓乃止姑忽染惡疾不起家人不肯近氏扶持起臥侍

湯藥晝夜不倦姑爲淚下呼孝婦姑歿益無所恃攜兩孤依母家針黹度日枵腹爲常後二子各成立年六十餘

張氏江西撫州人隨父商湖北利川武陵何某亦客於利氏父遂以氏妻何生子方一月而卒氏年十八鬻簪珥經歷險遠攜子歸武陵夫兄欲奪其志氏矢死靡他撫子年十九復卒遺孫未一週氏偕媳吳氏撫之成立

龔氏彭寅古妻黃氏寅古弟妻兄弟先後棄世兩氏年俱二十子一皆遺腹生家甚貧二氏矢志黽勉如姊妹紡績惟勤戚黨或恤之謝曰貧所自甘且令兒曹習勤苦卒却之

彭氏彭超凡妻歸彭月餘夫沒氏號泣斃三日復甦屢以身殉人救乃免夫兄憫其志立子爲嗣乾隆丙戌歲鄉中大水廬舍盡淹姑登舟溺氏躍水救之流數丈始浮出姑媳俱無恙里人稱其孝教子成立歷節三十餘年

歐陽氏年十九適彭生生从病花燭之夕至不能成禮越七日歿氏以身殉家人伺之得不死後父母翁姑憐其少欲改適氏曰旣爲彭氏婦豈更事他人兒非畏死者何相逼耶更毀形人不可近操作不倦年八十有五

陳氏毛仲玉妻年十九歸毛生子甫週而寡家無擔石其姑病痿痺氏跣步扶持朝夕釀粥以飭哺者十餘年子長聘

其姪為室生二子而子復卒時媳年二十四事姑教子如其姑年七十餘

曹氏戴廷兆妻年二十四而寡生一子伯氏欲嫁之遇之虐氏堅忍自矢日服諸役夜勤紡績母家頗裕終歲不一歸寧年五十餘

龍氏戴儒道妻儒道清癯善病伯兄依道日且瞽二子俱幼而妯詹氏死氏撫育之艱苦特甚儒道尋卒氏年二十五生三女無子罄簪珥服什葬夫誓死不回十餘年而二姪相繼歿氏勸舅繼娶孫氏復無出舅懼祧絕朝夕哭奠鮮氏拮据稱貸更為瞽伯納文氏文甫舉子旋逝氏鞠之老

者瞽疾者日用服食皆仰給於氏氏日鋤園蔬夜勤紡績彌苦彌貞年五十餘卒

李氏趙繼列妻年十八歸趙三年夫故無子立夫兄子為嗣翁姑繼逝家遭回祿幾盡婦又亡子遂遠出氏辛苦無依者十餘年後子歸慟責為娶婦生子氏年八十餘

李氏陳先烈妻年二十三守志紡績課子讀每深夜不輟孫用蘭補諸生氏年七十六

歐陽氏陳之化妻年二十六夫故生子早歿立夫兄子裔虞弟子衍虞為嗣時同堂兄弟八人尙未析箸食指浩繁氏秉性慈惠復有綜理才家事鉅細多委之子皆補弟子員

年五十六

徐氏拔貢生陳詩浩繼室年二十浩故無出立浩弟子爲嗣氏家世纓紱幼習壺訓既寡椎髻布衣不與親串婦女會閨門整肅內外無敢有妄出入者所用物他人或偶持卽毀棄之年五十三卒

梁氏魯之崙妻年二十歸魯生子人惠甫七月夫故氏瀕死者再娣姒救甦姑患目疾將瞽氏舌舐之尋愈歷節五十九年

萬氏王家許妻生一子甫週歲而許病卒氏年一十二撫孤於天氏與婢桂香朝夕紡績以自活婢亦終身不嫁歷五

十餘年

謝氏堵鍊妻楊氏鍊弟鈺妻各生一子年俱二十三夫故家貧翁早逝二氏事姑撫子姑疽發背爲吮其毒里人稱之余氏嚴其妻年十九適嚴未期夫故遺腹生一子貧甚家人令改適氏截髮誓死撫子成立年八十

蔣氏吳楠妻年二十餘夫故遺二子皆襁褓伯兄虐遇之氏矢志不二閉門勤苦五十餘年

彭氏劉某妻年二十一夫沒氏撫子之鯤年六十子沒無嗣以夫兄孫繼其子復天慨然曰吾爲劉氏撫孤立孤至矣今復何望僅存遺產請於官捐入育嬰堂蔬素自甘時年

七十八

蕭氏邑庠生熊國泰妻年二十八守節撫子宗文成立命修發旺袁公兩石橋稱貸不吝年七十餘

雄氏監生熊際隆妻年二十六夫故撫幼孤成立後命子重修罷南十五里揚駕橋現年六十二

史氏陳儒禧妻生一女而儒禧邁弱疾繼兄子謚爲嗣旣而有娠禧病不起史年二十二哀毀以身殉幾死者再遺腹生子有詔史撫雙孤謚年二十娶婦白氏僅三月謚殂無出白氏矢志撫堂姪開泉爲子有詔甫冠娶李氏三載生子開朗三閱月而詔亦殂李復矢志撫之開朗勤學食餼

卒年六十知府鮑旌以額兩世三節

蕭氏劉維簡妻年十八夫沒遺腹生子興遠家窘甚夫弟欲嫁之氏各爨撫孤年四十有五而其子又天媳亦他適遺孫一僅二齡氏守以終年七十餘

譚氏戴大觀妻生子二夫故氏年三十事姑克盡婦道處娣尤和順析箸時不問多寡遇貧乏告緩急輒周恤之尤樂成人善舉子有斑補諸生食餼早卒媳陳氏踵其志事姑撫子子皆成立

盧氏張高說妻年二十八夫沒矢志撫三孤長子元會娶媳貴氏年二十九元會卒貴亦苦守兩世皆以貞節自勵次

子琳舉人

袁氏生員莫賢偲妻年十八歸偲生子二閱四載守節孝於其姑姑病足氏扶持不少倦年六十餘

梁氏莫士瑛妻歸士瑛二載瑛疾不起對夫截髮明志遺腹孿生二子舅姑早歿祖翁年七十餘且病家無餘貲甘旨無缺守節三十四年

劉氏毘庠生莫賢偉妻生子文曦偉病卒氏慟絕數次矢志不渝舅姑以子故食日減氏食亦減舅姑感其孝為加餐教子成立補邑庠守節二十五年

謝氏劉國江妻年二十適劉生子之樂甫二載夫沒氏年二十六撫子成立年八十餘

周氏石為珖妻年二十四夫故生二子朝夕紡績奉親訓子內外無間言乾隆三十三年知府葉馨給金谷寒香額氏年七十九

章氏歐陽應偉妻貢士歐陽誠母年二十五夫故遺孤二氏撫之衆貧茹苦年五十五

王氏李學義妻年二十六夫故克孝祖姑翁姑子成立以壽終丁氏陳樹聰妻生子景新夫故年二十六養姑撫子補諸生歷節三十年

廖氏李宏仁妻年二十七而寡生子開甲遺腹生子開第夫

死罄奩具葬之教二子成立邑人龔大萬贈額

梁氏劉應麟妻年二十九夫歿長子崙次岑俱幼家貧氏撫

鞠辛勤卒年九十

伍氏聶方棟妻年十八適聶甫十月而夫故其夫兄以家貧

少寡欲嫁之氏泣不從立夫兄子山朝為嗣氏年六十親

族贈額

蕭氏劉協周妻年二十九夫故無子撫姪成立生一子其姪

年二十餘卒撫孫又故撫曾孫氏現年七十七

周氏蕭元珙妻夫故氏年二十三生二子長淑善未二歲次

會善未匝月氏善事繼姑教子成立淑善例貢生氏現年

張氏庠生蕭詣妻幼曉文藝年十七歸蕭生子甫周歲夫

氏矢志撫孤值凶歲嘗發粟以卹鄰里子菁歲貢生幼時

所誦經史皆氏口授菁子綬歲貢生紹庠生

陳氏蕭文奎妻年二十奎故陳矢志守節其姑劉氏亦守節

督學倪獎以額陳年七十府學博管亦以額獎

楊氏蕭丹朗妻年二十夫故子文奇甫三月氏撫養成立娶

楊氏奇卒遺孫傑僅周歲楊年二十一依姑守貞邑令翁

旌以額曰閩內程嬰傑補昌監子宏勉娶曠氏年十九宏

勉卒曠亦矢守三世節孝

龔氏唐世泰妻年二十三夫歿娣王氏世瀛妻年二十六世

瀛復故娣姒相依備極艱辛撫子成立現年七十五

吳氏唐開亨妻年二十五夫卒撫子成立現年六十五

張氏唐世澤妻年十九歸唐二十二夫故子開榮甫周撫之

成立氏自幼嗜學善詩文著有瓊瑤詩草夫歿後不復吟

咏年六十六

陳氏曾明開之妻年十九歸曾生二女夫故氏年二十四繼

堂姪方生爲嗣族人爭立官爲定其嗣守節三十年

周氏劉士俊妻年二十八夫故子二事姑教子紡績勤勞年

六十四

王氏歐陽成燾之妻年二十八矢志守節惟勤紡績以養舅

姑教子德達補郡庠氏年五十六

魯氏劉之煥妻年二十守節遺孤文運甫週氏教之成立年

八十

徐氏劉之乙妻年十九歸劉劉素多病氏佐讀辛勤生子文

謨甫週歲夫死氏年二十四事翁姑教子成立歷節四十

餘年

劉氏姚正印妻年二十二守節撫遺孤定資延師教讀登仕

籍歷節四十餘年

曾氏羅士明妻年二十二夫故撫遺孤茹苦成立歷節三十

餘年

梅氏唐志鯤妻年二十八守節奉姑至孝教子大鵬補邑庠
現年六十餘

陳氏丁士相妻年二十守節立堂姪爲後姪復歿依子壻以
終歷節三十餘年

徐氏開文道妻年二十八夫死遺孤二艱苦教之成立現年
八十

蕭氏庠生賀應爲妻年十九夫故矢志自守立族姪孔緒爲
嗣紡績營身撫子成立邑令吳給寒香晚節額卒年七十
張氏武陵巨澤乾之妻年二十二歸乾甫數月乾故無出氏
矢志守節仲澤豐舉一子欲繼之氏俟再索未幾豐又故

李氏與張同撫弱息歷三十餘載

羅氏武庠覃光寶繼妻年二十遺腹生子鍾衡矢志守節前
子鍾杰善事之友愛其弟室無間言氏年五十八

冀氏武陵陳鍊盧之妻歸陳七年夫卒子甫五歲教育介
立娶其姪爲之配有孫數歲而子復卒氏再撫之年七十

顧氏武陵梅迎春之妻年二十歸梅生一女夫卒氏年二十
六撫姪山塘爲嗣教育成立補邑庠年六十

葉氏千總趙璋之妻璋卒於任氏年二十遺孤正清甫歲餘
氏守節課子年六十有八氏母姪無子依氏終養紡績之餘惟與母姚緝關經史

蕭氏陳三元妻年二十二夫故貧窶異常事姑孝紡績撫子

成立年七十餘

劉氏王應節妻教諭王學洙之媳生一子夫病故氏年二十
六家貧甚子復卒遺孫數歲撫之成立年七十餘

王氏陳長尙妻年二十五夫故矢志不二年六十四卒

陳氏邑庠周之篇妻年十九適周二十二夫故以經史授孤
方且補邑庠學使陳旌之

成氏陳朴元妻年二十六夫故子三歲守節年八十三

彭氏陳詩輔妻年十九歸陳越五年生二子夫没于相繼天
立夫從弟子為嗣年六十餘

賈氏陳興宗妻年二十歸陳月餘往川遂無音耗氏歸於

終身守義七十悅辰親族為贈額

劉氏朱景暉妻年二十二而寡子甫三歲氏矢志撫孤節歷
三十一年

王氏朱和堯妻堯沒氏年二十七無子矢志不嫁茹苦自甘
歷節二十七年

曹氏伍正邦繼室夫沒氏年二十五撫前妻子士敏如己出
現年七十

陳氏閔氏子妻陳長鼎之女歸閔月餘夫即往川後竟不歸
氏撫姪為子年六十孝廉陳長槐贈封帛流徽額

梅氏陳文衡妻夫故氏年十七孝養孀姑備嘗艱苦現年五

十三

陳氏州同阮世胄妻年二十七夫故與妯陳氏同勵冰節

李氏康之棟妻棟亡氏年二十一遺腹生子庶姑所生三男
翁沒氏俱一体撫養成立卒七十三

史氏陳有証妻夫故氏年二十二撫姪定元爲嗣入邑庠伯
叔同居食指數十氏總理家政內外和睦無間言現年五
十六

陳氏羅子寬妻年二十九夫故遺孤國琮伯叔欲奪其志氏
以死自守家貧無以自存忍饑渴作教子成立年八十三
卒邑令張繼辛贈額

余氏楊毓正妻夫沒氏年十八繼子其仲入邑庠年七十五
歐陽氏蕭士璇妻年十六歸蕭五載夫故遺孤文萃氏事姑
孝教子成立氏年六十三

陶氏蕭之傑妻年二十四夫故撫孤士瑞紡績教讀備歷艱
辛氏年九十六

李氏鄔士博妻士博沒氏年二十八遺子女二俱襁保矢志
守節年九十三邑令尹贈額孫媳毛氏婚未及週夫死守
節數十年事上御下皆遵李氏教年六十三

程氏陳繼述妻年十八舉子不育相夫勤學年甫弱冠卒氏
哀毀摧折幾不欲生事翁姑孝視姪泰階如己出中武舉

年五十四卒階遵命以子承祀

劉氏鄔道瑞妻年二十三夫沒子紹信甫三歲氏苦志撫育年六十一

胡氏監生賀高才妻年三十夫故生二子矢志冰霜言笑不苟至老足不出戶庭不與親戚慶弔衣粗食藁勤儉治家凡喪不能葬貧不能娶者力助之

胡氏王應祿妻夫故氏年二十八撫子國幹補胄監循循稱善士氏年八十三

唐氏李士璧妻年二十七而寡事舅姑克遵婦道子玉輝補郡庠氏年七十餘

龍氏幼字馮玠方笄玠以疾廢不能舉步玠父請辭婚其父將許之氏謂母曰人生貧富生死皆當安命女子一聘終身不忍以兒故陷親不義及歸玠疾稍愈氏謹侍之歷四年舉二子玠故家貧甚親老子幼克盡撫養子元春邑廩生學使姚頤給額年八十餘

羅氏陳樹榑妻年二十夫故立姪熙程爲嗣移居桑植翁歿扶襯由江歸里忽風濤大作鄰舟多壞氏奉柩垂涕默禱得無恙姪熙堂少孤亦撫之成立年六十餘

嚴氏王姬年妻徽州進士嚴鸞女幼知書史歸王姑病篤醫不治氏割股以進遂愈年二十四夫故家僅四壁子師僅

三歲撫之成立雍正中官給額獎年八十二

馮氏戴如鼎之側室十六適戴生二子年二十一夫故嫡亦

繼逝氏撫子成立長子恩乾隆己酉武舉歷節三十年

周氏戴大冕妻歸冕生一子年十九夫歿撫姪有體為嗣

游氏吳祚昌妻年三十夫歿子居安乾隆武舉氏年七十

梅氏武舉陳嘉徵妻年二十六守節撫子成立年五十六

陳氏劉邦彥妻年二十夫歿撫姪為嗣年五十六

周氏劉師盛妻年三十夫故守節子達升庠生年二十七卒

婦王氏撫孤文炳嘉慶癸酉選貢生

張氏監生胡士堯妻年二十四子甫七月氏守節年七

令旌獎

何氏楊毓瑩妻夫沒氏年十九無嗣撫夫三兒子為嗣教讀

完娶越數年子媳相繼亡氏撫幼孫零丁孤苦悽慘更甚

現年七十五

黃氏丁希德妻生一子甫數歲德故氏年二十六矢志貞

閉門紡績雖至親族不輕往來歷節三十餘年

歐陽氏劉維俊妻年十八適劉生子指遠而俊亡氏撫子娶

媳生孫三指遠又逝苦志勵節數十年長孫之鵬補胄監

氏年九十三卒

胡氏陳九騏妻年十八適陳生子四歲夫卒子娶程氏未踰

月復亡氏謂程曰前我寡幸有子汝何守乎程曰姑在婦安往立堂姪錫為嗣補胄監中乾隆甲寅副車胡歷節五十六年卒程現年七十餘

尹氏武陵舉人陳蜀錦母也年十九夫歿蜀錦甫週歲夫弟亦歿其娣雷氏年二十無子同撫蜀錦家極貧二氏紡績不輟而課蜀錦最嚴錦中嘉慶戊午鄉試數年逝孫三長孫出繼娣氏氏教以讀父書艱苦如故尹氏年七十一雷

氏年六十九

曾氏劉英彥妻夫病故遺孤能述甫週歲姑老家貧氏矢志不渝撫育奉養俱盡其道年六十三

徐氏熊重元妻年二十五生子二氏事舅姑及祖翁姑孝謹子振南成諸生守節四十餘年

胡氏劉伯遠妻年二十一子甫週歲夫歿夫兄欲嫁之氏以死誓曰守蓬蒿紡祗自給事舅撫子成立現年七十餘

梁氏楊文範妻年二十八嗣子丕升夫故矢志訓子升列邑庠卒年六十餘

郭氏楊大源妻年二十四夫歿氏痛夫無子哀毀幾以身殉撫姪孝槐為嗣歷節六十年

詹氏黃賢裔妻幼孤養於黃婚未久夫卒時年十八遺腹生一女叔翁多子女長鍾英孫開甲中武舉皆氏撫養之力

卒年七十三

石氏邑廩生丁希傳妻傳少貧力學隨父別遷娶石氏甫月餘氏念舅姑遠隔賣粧奩付夫迎歸希傳卒氏年二十七撫子成立卒年七十三

胡氏陳瑛妻翁病拘孳姑日雙瞽氏左右就養弗倦年二十八夫歿撫孤姪如己出有勸繼他姓戚屬子為後者氏却之姪生二子長世昌領鄉解官成均

李氏鄧世昌妻年十九生子文炳甫七月而夫歿家甚貧勤儉撫孤歷節四十餘年孫支繁衍

黃氏高應翥妻翥卒氏年二十矢志撫孤未二載子復天撫

姪如己出氏年五十一邑人朱景英為作將雛篇楊氏翥弟應朗妻年十九歸高六月而寡姑憐其少欲嫁之氏不從姑為立嗣年五十五卒邑令翁旌其門

劉氏陳大誥妻年十八歸陳生女甫週歲夫病故父母及繼姑皆欲奪其志氏截髮誓守鋤園紡績苦節二十八年翁病瘋痰五載賴氏孝養焉

楊氏曾可琛妻年二十七夫故遺腹生子一貫歲饑不舉火者數日或諷之嫁氏拒之終身縞素一貫中副車

戴氏邑庠生聶愈游妻歸聶三月夫故無出氏年二十撫姪攀元為嗣攀元列邑庠娶婦貴氏生二子攀元復卒氏與

媳茹苦飲水撫養成立氏年八十二邑令尹額

聶氏陳用復妻年二十生子未週夫歿茹荼紡績守節四十

年

陳氏歐陽成身妻年二十夫故撫姪德瞻成立年七十餘卒

李氏鄭國忠妻年十九而寡遺腹生子世萬卒年七十

任氏賀用才妻年二十夫故遺子長松甫數月撫之成立補

胄監姑年逾大耋奉養不衰氏年六十

周氏陳國夏妻年二十六生一子夫故氏矢志守貞孫世儒

例貢生氏年八十五卒

李氏周大富妻適周三載生子甫數月始因貧改適氏紡績

營生教子成立氏年六十三

黃氏監生沈經邦妻年十六歸沈生子鰲甫十歲經邦卒翁

老子幼氏孝慈兼盡鰲援例入太學氏年七十餘卒

羅氏周道尊妻年二十夫歿家貧無立錐族人勸其他適氏

厲色拒之食倚針指取松油以照日一食無怨言年六十

顧氏裴志汶之妻雷瓊總兵裴鏡之媳歸裴三載夫歿氏年

十九矢志守節歷今四十四年

陳氏生員彭作舟之妻夫卒紡績撫孤娶婦楊氏子廷冕年

二十以讀書攻苦病故楊亦克繼姑志共誓栢舟

楊氏李方畧妻年二十八夫故子樹暄甫五歲氏教讀成立

舉乾隆丁酉科選鄆縣訓導歷節三十一年

徐氏蘓雲之妻年二十四夫故子甫週歲貧甚依胞弟以居
守節四十餘年

嚴氏許啟亨之妻年二十七歸許二十五歲夫故遺腹生子家
祥撫孤成立年七 五卒守節五十載 旌表建坊

岳氏吳士韶妻年十九婚甫三月夫故立長房姪王金為嗣
歷節三十年

蕭氏彭志麟妻年二十二而寡撫姪述箕為嗣艱難教子歷
節四十四年

陳氏馮功奇妻二十八夫故撫子媳故哺孫年七十六

潘氏徐昌盛妻年二十九夫卒無子誓以身殉舅姑日夜守
視潘遂請立後撫之吳逆之變潘度舅姑老病不能行乃
懷刃自隨賊至操刃而前曰免我舅姑吾請死賊嘆為孝
婦康熙五十八年 旌 通志

周氏陳體元妻繼姑孔氏性嚴急少拂意輒卧不起氏每跪
床下終夜亦不起脂膏奉養先意承志宗族嘆以為難

楊氏監生聶愈懷妻年二十八夫故無子生女三姑久患風
癱氏澣滌穢惡孝養備至立夫從孫為嗣年八十一卒

丁希進妻與姊吳氏相友愛姑年五十餘臥病不起日
夜奉養二氏紡績奉養理髮扇枕歷久不倦人稱雙孝婦

楊氏諸生明星煥妻年二十歸明氏針黹佐讀越五年星煥奉母命尋弟遠遊不歸姑病床褥氏隻身調護者五年姑卒宿殮終制歸母家縫浣度日歲時伏臘夫家先人翁姑生忌日必薦猶欲爲夫立嗣年七十餘

陳氏楊芝華妻年二十七夫故守志姑病割股和藥以進遂愈子婦趙氏生孫大有亦年未三十守節撫子成

熊氏左依元妻幼嫻女誠繼姑有心病醫技已窮氏潛割股和羹以進疾頓愈 志稿

李氏晏正元妻乾隆元年翁姑病氏割股療之尋愈教諭邦孚贈額 志稿

文氏龔啟遂妻姑陳氏病篤氏割股啖姑每旦告天願以身代姑病尋痊氏年八十一

王氏周應仕妻年二十適周二歲而夫故氏與姑范同卧起姑病翻胃割割以進遂廖

張氏康之仁妻翁姑張氏以老稱割指肉和藥愈夫目疾

陳氏儒生周大昭繼室姑病篤家貧無藥割股以進夫多弱疾氏又割股夫卒氏年二十六艱苦備嘗撫前子如已出

王氏前羅源令陳悌妻悌之羅源任氏侍舅姑養於家雍正十年悌以疾歸氏割股和藥以進悌家徒壁立遺孤在璣

在珠在瑞氏紡績課讀在璣登辛未進士河南尉氏令

顧氏陳某之妻歸陳年二十餘守義撫孤成立奉翁九篤翁病篤割股愈之

邱氏王勝先妻年二十餘撫孤割股愈姑年八十餘

曾氏朱必赤妻年二十八夫故方夫病時禱求身代赴水端

坐不死翁病割股和藥旋愈數年復病如前割股年七十餘卒

楊氏蔣大鵬妻年三十一夫故子方春甫周氏矢節弗渝撫

子成立姑病劇延醫莫治氏割股和餌以進遂愈

陳氏聶愈浩妻年二十歸浩割股和藥以療姑病

劉氏陳尙勳妻姑華氏病篤醫藥罔效氏請於神割股以進

尋愈

上孝 姑

明

賀貞女賀璣之姊幼聘於羅未嫁而羅故堅志守節正德間

郡守王禾旌獎文云日未覩夫面而矢志不回足未履夫

門而迎姑就養在賀為貞女在羅為孝婦

舊志

賀貞女賀文貴之女幼許字不利矢志守貞依兄嫂紡績佐

助年六十餘知府朱縉於景泰三年上其行於監司給匾

旌獎

舊志

李貞女名玉貞貢生李延女幼習詩書長值流賊張廣勝

史釗之亂村墟皆空一家流離女乃微環瑱不嫁勤儉艱

苦撫弟姪成立卒年八十五嘉靖間知府陸州旌以貞比

嬰杵舊志

譚貞女武陵譚玉純女父母早歿憐弟幼孤決志不字撫弟

成立卒年七十八歲

國朝

戴貞女戴縱女幼教以女誠字同邑龍剛明明故女年十七

聞訃奔喪不歸立兄子軒為嗣教之成立姑哭子日瞽氏

舌舐之愈學使倪額其廬乾隆二十九年旌

劉貞女幼受喻聘年二十公

者贅之有日矣女聞之奔

悔盟將擇厚於贅

肯歸父訟於官郡

丞義之令即公堂合盥灑陽參將旌其廬通志

鍾貞女幼字鄔某鄔入蜀不歸女父母俱亡其兄欲改字女

矢不從遂依兩從兄紡績度日乾隆戊辰邑令翁運標嘉

其節給額年七十餘卒按通志作鄔某天歿父母哀其志者誤

張貞女安鄉人知直隸正定府張月女幼字武陵尙書楊超

曾子孤未婚初卒女歸楊守志乾隆壬戌翁病革割股和

藥以進創絕復甦繼弟子為嗣年七十八

楊貞女尙書楊超曾女幼字同邑陳詮詮早死聞訃即欲身

殉慰止之詣陳守志終身不衣綵帛孝事翁姑撫姪為嗣

年六十四

楊貞女幼字陽文珠珠病卒姑老願代養踰年姑歿竟以悲泣死珠同學友請學使姚給節比曹姬額

楊貞女澧州人幼字武陵鄭學泰父母俱亡因養於鄭年十六將婚而泰故女誓靡他以紡績養姑有勸立後者女泣曰我本處女敢為人母耶年五十餘

阮貞女阮鉉之女幼字楊某一足微跛楊因悔盟父憤將搆訟女請曰兒聞婚姻由天定亦以人合天壞非止有楊郎何相強父意解後別覓婿女堅拒曰兒前之言恐父致訟男子子女子獨非子乎願留以事父母年七十餘卒

談貞女談可現女幼字賀人長及笄而賀故女

人為慈嗣年五十二

陳貞女幼字歐陽氏及笄所字夫得惡疾其叔因改聘女聞不食孀氏給之親迎有日矣比登車藏刃於裏衣中將自刎焉刃出象駭而折之晝夜號泣數日死載志稿

劉貞女劉玉山女少字蕭姓子蕭子得罪於父逃外無耗及女當嫁之年蕭合劉改聘女願待其子歸現年五十餘

貞女潘士元之女許字熊氏子熊遠出嘉慶乙卯年三十未嫁其父欲改字女不食自縊死邑令楊額獎

貞女劉氏童養媳夫未婚出外服買無音耗舅姑因家貧欲遣嫁女堅却守貞撫伯子為嗣歷節三十餘年

鄭貞女幼失父母與弟依於叔媻比長叔許字諸生余海未適而海沒叔將別字拒不可海父聚族迎之為立後年七

十二

聶貞女聶朝棟妹幼字陳氏子未婚陳出外無踪經三十餘年戚屬勸其別字女願守義兄弟折居憫女貞各給田美之年六十餘

劉貞女幼字蕭元綱綱入蜀三十餘年女守義山中積績人有異言惑志女即厲聲責之里中罕見其面歷年五十貞女張學文妹年三十未嫁所字婿無賴子也陰使人百

計玷其身以圖利女卒自全憤激以死官為立石於墓

陳貞女幼字丁氏丁死於水請於父曰女自今為廢人願與兄弟異宅自食其力遂日勤紡績具甘脆奉父母歷三十

四年卒

上貞女

陳氏長蕙陳養元女歸龍陽史氏幼襲父兄之教能詩夫故屏鉛華不御稿紙塵封撰著為多

林氏劉樵之側室工書翰能詩樵卒永昌子二俱幼氏以母兼師皆賴成立

譚氏光璠覃志京女歸武昌崔氏幼慧其父教以聲律篇什已多後得孝感老儒羅龍岡指授詩法一變刊有玉芳詩

草四卷

雨村詩話閩媛能詩已屬僅見而又出口勝龍尤屬絕無武陵女士覃光隆其父咫宸為齊陳命九

歲能詩有題畫鸚鵡云已無言語慧只有羽毛奇鎮日輕綃裏鷹鷂那得知命意便不凡

王氏大理人武陵胡蔚遊大理納為繼室知書能詩與蔚日

相倡和或贈詩云從知健嗣原矯矯達人才名著垂老叔

盤然燭對文君不用祭詩憐瘦島蔚死無子王檢移遺稿

謹藏之蒙化彭翁為梓行

上閩秀

黃氏劉某妻生二子值歲饑夫窘無計欲嫁婦自活氏曰夫

之欲嫁婦者為不能存活耳無已請以子與吾子一人下

自為計攜子依弟以居數年復為夫婦如初年八十餘

沈氏武陵里民胡洪文之妻文業儒不問生產氏經紀內外

生子五人夫卒教育有方每陰察其交之賢否勸戒之

子皆成立年八十餘

張氏監生王國幹妻善事孀姑相夫以義族修祖祠擇地即

以居基讓建復出私貲贖祭田放還婢僕率不索值恤飢

寒造津渡皆捐施不吝年企百歲見元孫五人

以上壽婦

廖貞女廖相之姊許字不利誓不再字養父母終身現年八

十

戚氏劉止瓚妻助夫成家見曾孫損田入劉公渡壽企百歲

知縣伍給額

羅氏吳錦蘭妻年二十六夫故鄉頻遭水患氏勤苦事姑姑

誤聽伯謀欲奪其志氏涕泣不食欲死者數益敬謹不怠
姑感悟相待如初慈惠好善遇窮乏極力周恤子宗徽宗
衢成立事氏俱以孝稱

戴氏黎長吉之妻年二十夫故遺腹一女撫夫兄子思泰爲
嗣教讀成立脩極艱辛見年六十二

梁氏董尙韜妻韜割股愈親疾數年奉母李氏孀居于以厚
方踰月氏年二十餘養姑慈幼今年七十餘

王氏李光洋妻年二十四夫故守節養姑撫子年六十餘

李氏鄧元芳妻生一員李光瀚女年二十四芳卒撫子年六十

汪氏王汲妻年二十四汲故守節撫子成立歷三十年

梅氏王佐妻梅山岫之女幼嫻閨訓助夫事翁姑稱孝謹誤
聞比隣穢語忿激自經死時年三十府教授瞿家鏊嘉其
烈爲表阡

常德府志卷四十六

傳第十一

列傳

烈女 桃源

國朝 賢婦

楊氏庠生謝天鵠妻夫歿子如式幼家貧鬻麵為生課式讀不倦式登賢書選光化令人稱母教

萬氏監生李文熹妻兄崑岱皆出仕氏事父母治家悉有法歸熹生子二熹卒氏儉約課耕讀遇疾苦者輒推子之

劉氏游儒宗妻儒鮮兄弟母教甚慈氏善相之以行著鄉里
儒卒氏理家政減田租以惠佃戶捐修黃市大路

黃氏萬泰妻夫先故氏養姑撫三子乾隆戊戌歲大歉氏家食半蔬蕨裒粟以贍飢者出金貸鄰里得以娶婦者二十餘家捐修勤斯橋邑合羅給詩額獎之子皆成諸生

廖氏武陵人桃源諸生趙永鈞之妻年三十二永鈞故遺子數歲撫之成立援例授州同職氏蔬布終身年七十熊氏文志鯤妻秉性純淑值吳逆兵燹躬紡績以佐家計夫有廢疾氏以母兼父督子曙力學成名

明烈婦

燕氏胡養冲妻崇正末避亂黃溪港賊斷養冲手執燕欲淫之燕攜幼女赴火死

唐氏彭祖眉妻為奴將所執載舟中欲逼之唐給曰此巖即妾祖墓願一拜以從命舟泊岸唐拜畢躍入江潭死

國朝

孫氏胡良璧妻少讀書知詩年十八歸璧甫十二日璧遭疾卒氏留詩几上自經死上俱縣志

年二十一母故以其年少無子勸令他適不從強逼之赴水死

趙氏陳繼舜妻舜苦業儒致病娶氏一月而歿立姪為嗣氏父以其年甫十七適陳未久強迎之歸將通媒妁氏剪髮

泣寄翁姑以明其志投繯死

蘓氏蘓朝宗女幼訂莫氏子貧而悔婚氏不可父復強
嫁氏泣爭不從書通媒妁而夕自經死

楊氏劉光舜妻年二十歸舜數載無子舜故氏以身殉伯叔
娣姒防之逾月莫能救督學吳鴻給額以表之

龍氏李某妻年二十歸李甫歲餘夫隨翁遠客未歸祖翁疑
其死強氏再醮昏期已近氏於深夜澣濯焚香書扇拜以
遺夫投繯而盡

奈氏黃鳳朝妻文病氏祈以身代三載文不起氏遂自縊
姚氏庠生劉必英妻生一子英博飲廢學爲強暴所侵氏泣

諫不從既而告其姑曰婦惟以死諫耳一日祭祖畢食姑
與夫踰時氏自刃房中必英尋悔悟發憤經年入邑庠
明節婦

燕氏劉禮妻年二十二矢節壽至百三歲當事造廬存問

劉氏黎璟妻年二十六而寡姑強改適誓死守節有司旌表
黎氏劉斗妻斗早世氏守節四十年事聞旌表

縣志下同

聶氏李寃妾年二十八鬻卒生子徽七歲矢志訓育爲娶婦
周氏生子采五歲徽卒復撫采成諸生采與母尋相繼卒

聶營兩喪同日歸窆孀居五十餘年周年二十三孀居三
十六年姑媳水霜隆慶二年知縣張值旌其門

朱氏劉承恩妻年二十三而寡撫遺孤祥事姑盡孝姑卒祥

天撫孫夢麟四十餘年事聞旌獎

吳氏張還妻年二十守節孤子萬玉亦早世撫孫羽成立御

史按部聞之給以粟帛

縣志方伯李徵合朱氏作節孝傳

郭氏諸生鄒張魯妻諸生郭宗孟女張魯少慧十五入邑庠

應試故於郡氏誓相從哭泣之哀粉壁濡血斷飲廢食三

月而殞天啟初知縣顧報部請旌

統志縣志張魯赴試之夜援琴而鼓氏坐

聽忽淚下魯詰之曰君操中有斷絃聲恐不祥張魯卒琴懸壁間氏每泣不鼓自鳴或風雨輒有聲後為識者取去

胡氏魯之史妻夫故遺子男方九月氏撫教之勤於女紅以

佐膏火男貢太學當事旌獎

子婦卹氏守節諸生氏年八十一

胡氏李在川妻在川及其兩弟俱早世兩姊他適胡矢節堅

完更為夫弟立主後年七十五終詔旌其閭

黎氏胡唐臣妻年二十四夫卒子拱辰甫六月氏撫之成立

甲子舉於鄉未幾復卒氏與婦彭氏撫三孤孫祺眉明祺

登丙戌賢書眉與明皆成諸生崇禎中當事以額旌之

向氏李開元妻年二十夫沒子允甫二歲家貧茹苦永霜罔

矢撫孤成立食邑廩餼崇禎十二年旌

續縣志亦見武陵

國朝

張氏千總剪如爰妻年二十一而寡操作門戶至老不衰事

祖姑及姑養葬盡禮延師教子有成守節四十七年雍正

十年 旌

伍氏羅洪烈妻年二十而寡孝事孀姑養葬盡禮延師教子
子士豪補諸生嘗囑彙刊羅名臣政畧及團練條約諸書
以傳家子孫衣冠鼎盛甲於鄉里氏守節歷六十年雍正
十年 旌豪壽九十餘 縣志

印氏季方泰妻泰歿印年二十六孤子松甫週歲矢志守節
三十餘年奉 旌

薛氏聶之泰妻之泰歿氏年二十七守節三十九年乾隆二
年 旌

劉氏張士紹妻士紹病劇劉剪髮毀面以死守自誓及夫沒
守節五十餘年乾隆三年 旌

文氏周成章繼妻夫故氏年二十有一矢志守節撫前妻子
如己出乾隆九年 旌

聶氏童鶴年妻鶴年沒氏年二十四撫姪心安為嗣斷髮自
誓事翁姑孝敬兼至教子成諸生娶婦亦聶氏心安尋沒
遺孤方月餘婦承氏志守節孝姑氏嘗染背疽毒久不愈
婦以舌吮之旋痊乾隆九年以雙節并 旌

周氏陳世琳妻夫沒氏年二十六止一女遺腹生子彌月抱
赴殯所成服為夫卜阡一燈紡績訓子熹中雍正壬子鄉
試乾隆十年 旌 縣册

戴氏姚銓妻銓沒氏年二十六無子撫姪承祀守節三十八年乾隆十三年 旌

胡氏鄔之璜妻年二十六夫故矢志守節教孤子成諸生乾隆十三年 旌

孫氏程志道妻志道病氏侍湯藥四月有餘寢食俱廢及沒氏慟絕撫孤子事舅姑苦節三十餘年乾隆十八年 旌

楊氏張大謨妻守節五十四年乾隆十四年 旌

李氏康士璉繼妻守節三十年乾隆十八年 旌

宋氏李翔鳴妻守節三十四年子國學生洽杞亦廿二而夭妻宋氏與姑守貞乾隆三十七年 旌

生胡南容妻年二十生子明未踰月夫故矢志苦守

戊戌歲荒屬明施米百石濟饑多所全活乾隆四十三年

陸明早故媳羅氏亦守節姑造義舟氏置義塚子三俱成名

楊氏邑庠張士恭妻嫁甫二載生子一女一士恭卒氏撫弱

息治家有法周軀族黨乾隆三十一年 旌年八十餘其

女適字黃生一子甫襁褓璜故年二十守節四十餘年

陳氏胡世寧妻寧以家貧力學致疾死氏時年二十五生子

甫兩月姑目盲氏侍養無倦子十歲令就傳誦讀弗間氏

治家素嚴雖至親必衣冠相見宗黨欽其禮法守節三十

九年乾隆四十九年 旌

向氏生員高崙妻年二十五夫故遺于焯甫數歲撫之成立
娶婦文氏年二十七焯沒乏嗣撫姪孫培繼焯後婦姑雙
節守終始不渝年六十餘卒

闕氏邑庠文士英妻年二十二英故誓不再嫁事翁姑以孝
聞撫子之輝成立歷節四十年

劉氏儒生邢都麗妻年十七守節撫前室子山教讀完娶未
兩載子媳俱妖遺孫之道甫三月伶仃孤苦翁姑憐其年
少令再適婦以死誓四十餘年紡績供養迨翁姑沒艱苦
備嘗育孫成立復舉曾孫

熊氏廩生王祚定妻夫沒氏年二十七以柏舟自矢教誨
子俱成立鄉黨稱之

羅氏郡庠生楊錦妻生二子錦沒氏年十八矢志守節事祖
母及翁姑生死盡禮教二子業儒雍正元年知府魏壯給
柏舟可風額獎之歷節四十年 全上

馮氏生員程開兆妻年二十六兆卒于源岐甫四齡時值兵
變差徭繁重氏內勤紡績外支門戶撫岐成立娶婦劉氏
生子二劉亦故撫孫數十年卒年八十三

陳氏何樸也妻夫沒氏年二十四事翁姑撫子矢節三十年
續縣志

康氏朱日彩妻年二十八孀居敬事翁姑終身不倦子二朱

衣朱綠均列贊序孫衮業儒氏教讀艱苦備歷卒年七十餘

潘氏邑庠艾中穎妻嫁甫七月穎故氏年二十遺腹生子月榮翁姑憐其少勸他適氏堅志不回倍隆孝敬母續子讀歷三十餘年

車氏熊鼎坤妻年二十八夫故氏堅守事翁姑敬養無違撫二幼子和九勤訓康熙六十一年縣令于給節茂松筠額年六十七卒

陳氏生員剪成冕妻年二十五無子勸夫納妾生子珖踰年氏生子珣甫六月夫故氏節哀矢志事孀姑撫珖娶

孫珖尋卒又撫遺孫辛勤教育與珣同列邑庠氏性好施與歲捐數百畝田租贍宗族及道路廢疾者守節五十三年

羅氏章起聖妻年二十四聖卒長子表甫二歲次子詔甫五月撫之成立經四十年康熙五十二年邑令高嘗旌其門曰勁節流芳

邢氏邑庠劉亮妻年十九孀居生女甫一歲初夫病革囑氏再適氏對夫斷髮以死誓亮卒謹事翁姑撫姪為嗣守節四十餘年

朱氏邑庠生邵登元妻夫沒時氏年二十三子甫五歲奉翁

姑教子成立氏苦守四十餘年卒

羅氏王士偉妻歸王生二子偉卒氏年二十二翁姑繼亡堅

守遺業擇師教子長子作極入邑庠氏身見四代壽七十

二卒邑令于給勁節維風額

徐曰邑庠鍾滋妻年二十二生子山松夫沒氏與孀姑宋氏

兢兢相依孝慈兼盡數年子復歿氏悲痛死而復甦者三

茹苦二十餘年以未獲立後賣帳而卒邑令李旌其門曰

節孝可風

徐氏高遵唐妻幼讀列女傳諸書曉大義年二十二生子瀛

甫二月夫故夫家強令他適氏絕粒矢死鄰母救甦氏請

於邑令歸母家紡績教子瀛入邑庠卒年六十六

彭氏吳士龍妻夫故氏年二十四生子愷愷甫三歲家貧有

一豪戚勢壓欲嫁之氏投環幾死乃止悅韶少多病忽氣絕

泣禱獲痊彭壽九十

胡氏羅敏妻敏故氏年二十五遺子二女二氏孝養翁姑慈

畜子女歷節三十餘年上俱續志

張氏文集成妻二十而寡子炳蔚娶婦張氏蔚暨婦備卒氏

撫二孫教之成立皆有子尋繼相卒氏率二婦勤勉諸曾

孫成諸生者三性喜施予戊戌饑管出粟以濟饑捐資修

龍家坪橋年九十身歷五世

鍾氏李生岱妻生子自遊踰年岱沒鍾時年十九矢節撫孤
陳氏岱弟生崑妻艾氏岱季弟生崑妻均無出而崑崙故
二氏誓與鍾氏同守節孝養翁姑撫遺孤鍾歷守五十餘
年卒陳與艾亦終始不渝人稱李氏三節

聶氏文宗稷妻生子甫三月稷故姑早逝氏年十九矢志守
節翁任星沙訓導以目疾改歸氏攜幼往迎值大風雪舟
覆天心湖榜人皆溺死氏獨抱幼子漂數十里遇枯木得
救卒迎翁歸孝養三十餘年

羅氏何體謙妻適謙六月謙卒無子氏年十九誓守節撫嗣
子補諸生翁如蘭施粥濟饑氏職爨事數十日無俗態
三十六年曾孫志清舉嘉慶庚申恩科揀發順天

氏會述有妻年二十四述有卒遺子甫四歲氏事衰翁以
孝敬稱其伯妯田氏亦早寡無子不樂以別子入繼舅難
之氏泣諫為立爰予以奉田諫子成諸生有賢聲歷節四
十餘年

李氏郭正域妻城故氏年二十姑因傷子喪明氏上事下撫
勤苦備至氏有姿首父母憐令再適有以重聘圖娶者氏
聞語皆絕莫外乃避親鄰驚異卒不能奪撫孤成立年七
十歲

廖氏黃寃妻歸寃姑舒氏閏歲而卒夫弟甫六歲氏子龍始
 生寃尋病劇以二孤屬氏氏泣且誓曰宗祧攸關妾敢有
 貳寃故氏年二十五撫叔及子克成立

鄭氏游綸妻適游一載無子夫故翁沒姑某氏遺腹生夫弟
 崇氏同姑孀居有以他適勸者氏剪髮毀面姑尋沒崇幼
 氏撫之娶娣生子氏繼為嗣邑令福給額歷節六十九年

鄔氏戴上文妻年二十一文故無子撫姪為嗣夜忽失火氏
 左抱嗣子右挈夫木主跪庭泣禱火旋自滅里人異之守
 節四十餘年

關氏羅世暉妻年二十二夫故子甫週歲氏立志守節延師

教子列邑庠姑張氏年八十餘氏事之恭敬奉持日不離
 側里黨稱其孝氏年七十餘

于氏高培妻生一女年十七夫沒守義佩刀自誓楊氏培弟
 高堂妻生一子堂亦故楊年二十偕于侍奉翁姑共撫弱
 息均守節五十餘年

蕭氏劉渭濱妻值夫病篤割股啖之夫疾旋瘳生子甫三月
 夫故氏年二十二家甚窮撫孤成立卒年九十餘

龍氏余鳳梅妻梅故氏年二十六生子甫四歲撫教成立娶
 婦黃氏年二十二生孫子旋故氏率婦保孤延師教之補
 弟子員

楊氏劉文采妻年二十四夫故無子矢志守節夫弟甫三齡喪母氏撫之入邑庠生子嗣之氏年八十餘知縣邢給額獎之

田氏龔登朝妻夫沒氏年二十八教子紹志入邑庠祖有田畝為人所佔氏命子勿與校其人慚服其妣潘氏登高之妻年二十二而寡娣姒同守貞田氏年六十二

吳氏董國俊妻生子甫二歲俊故氏勤婦職以事翁姑平居雖至新罕窺其面矢志時年二十四孀居五十餘年

吳氏邢庠文光震繼室震故氏年二十五遺腹生子襄娶高氏生子匝月高氏故氏撫幼孫成立

文氏商士智妻智故氏年十八遺腹生子家貧母家欲奪其志氏絕不歸寧翁姑沒易所居以葬卒撫孤成立年七十餘

鄆氏文品唐妻生一女夫故女隨歿年甫十九撫夫姪為嗣紡績營生孤苦無怨言守節三十餘年

雷氏田有稷妻適田生子如藍數月夫故翁姑老病氏年十九勤紡績供甘旨督孤勤學藍未弱冠入黌序守節四十餘年

高氏文光國妻年二十夫故無出矢志養姑年四十二姑沒氏哀毀亦卒

戴氏邑庠謝大文妻年二十八夫故生二子甘貧撫教數十年如一日子震亨廩生

徐氏魏文朝妻年二十四生子昌國朝旋卒姑時病甚徐含哀侍湯藥姑賴以痊昌國與武鄉薦氏守節五十四年

熊氏王公槐妻生子日璽八月槐故氏年二十一矢志苦守日璽復沒遺孫甫八歲鞠育成立補監生年八十餘

宋氏戴魯玉妻年二十一夫沒後子死四孫亦亡乃撫曾孫成立卒年六十一邑令施灝給額

金氏文涵成妻氏父蘓人卒於官隨母依外家居武陵因以妻涵生子士彥甫四歲涵故氏年二十四守節事舅姑教

子彥補諸生孫超中武舉氏年卒八十餘

燕氏朱學閔妻年十九閔故家頗贍足氏日事麻枲廵子婦以勤子愈彩監生老教諸孫勤猶如故

萬氏郭用張妻年二十歸張六月夫死無子將以身殉爲娣似救免翁姑憐之命嗣叔子如峯氏撫養克盡孝慈歷節三十餘年

張氏胡璠妻璠故氏年二十二僅遺一女氏矢志守義撫姪承祧守節四十餘年

諶寡婦亡其姓諶山梓母夫死遭流寇攜梓匿陬滋山中掇菜度日強暴莫敢近耐苦五十年

謝氏王幽妻年十六適幽踰年幽故無子氏依孀祖姑熊氏垂十餘年夫弟賓舉子氏繼爲嗣鞠育成立氏年四十餘高氏胡鉉妻年二十四生子宗春甫十日鉉故家儉甚而舅性極嚴氏善事之以終老守節四十餘年

郭氏羅杰祖妻杰故氏年二十四家貧無子夫兄逼嫁數凌詈之氏堅執不回後苦無依歸母家以終老

龍氏余述武妻武故氏年二十六遺孤甫三歲氏辛勤撫育課訓嚴明補曹監守節四十餘年

印氏余應才妻年十八才故生子甫三月家貧衣食不給氏勤紡績艱苦備至撫子成立現年七十餘

趙氏陳有道妻年十七適陳舅姑俱沒繼祖姑待之嚴氏積誠孝養卒得其懽心有道素好施氏力贊之子三俱諸生趙氏方世遠妻年十九而寡遺子年十二足病瘡難行氏哭禱夫坐數日病痊現年七十餘

鍾氏李自進妻進故無子氏年二十一遺腹生女矢志立嗣嗣子復殤氏以其產付夫族就婿家以終老年七十餘
監氏漆登高妻高故氏年二十四家貧苦守屢遭荒歉食土茹草不屑乞假有周之者却不受子三俱成立守節四十餘年

陶氏莊正哀妻哀故氏年二十四耐貧教子守節三十餘年

左氏李平玉妻嫁五月夫故遺腹生子可官氏年十九撫子成立壽躋期頤無疾而終

蒯氏邑庠楊滋尤妻滋尤沒氏年二十撫姪紹溥為嗣眼見

五代壽臻九十

李氏文錦春妻年二十五夫沒遺孤三歲舅姑慮其難守欲嫁之氏斷髮自誓翁姑知其志篤乃止子舉一孫艱苦萬狀現年六十一

呂氏李洽杜妻年二十五夫沒遺孤甫三齡勺飲不入欲以身殉戚屬勸諭乃止

季氏譚章毅繼妻年二十二夫故遺一女立夫弟子為嗣守

節五十餘年

陳氏李風美妻年十九適李四載夫病篤諭令他適氏割髮以誓子翔崑欲為請旌氏不可與孀嬸秦氏計請旌之費

建亭施茶修橋渡卒年七十八

秦氏監生李風同妻夫卒氏年二十四遺腹生子成立娶媳生一孫皆相繼而歿立姪為嗣卒年七十二

李氏何士聰妻年十九適何甫一載夫沒遺腹生子家極貧父為植產諭氏善撫其子孫會蔚起卒年六十九邑令額

獎

譚氏廩生李翔鶴妻年二十八夫沒勤儉持家教子成立子

尋沒復撫孫次孫澤沃補胄監氏卒年九十七

徐氏李翔巖妻年十八適李未幾卒子復歿父母憐其少欲奪其志氏以死誓姑沒殯葬盡禮凡修橋軫困皆隨力佈

施年五十九

董氏生員劉文奎之妻年止二十二夫故守節遺腹生子宗

亢氏年八十一

上七氏住武陵桃源縣界亦籍武陵

楊氏劉佩妻佩故氏年二十三事翁姑存沒盡禮訓子文正

列邑庠守節五十一年

廖氏陳令範妻善事翁姑侍繼姑董氏疾湯藥三年不懈生子三人兩列胄監孫珠例貢生捐沅南書院膏火田及育

嬰田助修道源橋事生母夏氏以孝謹稱

以下孝婦

郭氏張世俊妻事翁姑盡孝子維遺腹生教之成立

王氏周大章妻年二十一姑病劇醫藥罔效氏傷痛無措鑽

戶焚香割左臂啖之姑病立痊御史羅人琮詩紀其事

熊氏馬高選妻選家初裕後窮難以迎娶氏父欲悔盟氏監

志不從年二十五始贅選旋隨選歸奉翁奉敬備至飢寒

無怨言

余氏張宗魯妻魯早失怙母楊氏守義撫魯娶氏無子魯故

氏年二十一與姑同志楊請後於翁不獲氏以死爭之乃

立稚子洪縉踰年楊病起居出入氏親肩扶勞瘁三載姑

沒而氏瘵已沉毀春數月卒

莊氏陳德順妻性純孝孀母魯氏患瘤氏罕兄弟親侍三載始偕母歸陳朝夕侍奉孀母孀姑嬰孩乳哺亦不暇及歷六年母死姑病篤醫藥莫治氏焚香拜禱割股啖之姑病尋愈

康氏田綏年妻年十九歸綏生子棚甫十月綏故氏苦志孝養舅沒姑病心悸久且痺痿氏晝夜侍奉服食衣不解帶者數年姑喪盡禮旨雪營葬真誠罔懈

陳氏楊宗燭妾燭三娶無子病劇氏以宗祧爲憂乃夜禱神割股啖之燭疾立瘳踰年生子楊祀賴其似續

楊氏郭瑜妻割股愈母疾及瑜病復割股愈之

羽

呂貞女蘓穎妻將婚穎故蘓鮮兄弟孀姑患痿在牀女聞渡溪過往奉養數年姑沒乃歸寧劇病母家女泣曰我蘓婦而不克附葬日何以瞑遂沒後人因表其橋與渡曰呂貞

國朝

田貞女幼字黃雲欽未婚欽沒女父改字魏姓女誓不從聞諸官縣令于文燦嘉其志給米心垂鑒額遣歸黃氏守貞五十餘年卒年九十一

黃貞女武陵人幼字藍山教諭于公裔長子昱未婚昱歿女

聞詣于哭奠痛傷幾絕時姑隨翁任藍山祖姑暨兩叔翁
憐之合立姪為嗣翁姑歸孝養不懈守貞四十餘年

明貞女武陵人許字于昌昌早孤女養於祖姑未婚昌沒女
矢志守貞歷三十餘年

歐貞女幼字謝廷梅未娶梅歿女年十八聞喪剪髮哭奠服
喪三載乃歸謝氏撫姪為嗣守貞五十餘年

徐貞女武陵人剪氏養媳夫體坤未婚坤故翁姑勸令他字
女哭不聽矢志守貞三十餘年始立夫後

劉貞女幼字燕氏子將婚燕故女泣服喪堅貞苦守歷四十
餘年

常德府志卷四十七

傳第十二

列傳

列女 龍陽

國朝 賢婦

劉氏宋應試妻年三十二而寡撫二子尋故繼撫二孫俱列
成均邑石板灘會大溪眾流往來病涉氏創建石橋費千
餘金橋前大路濱河窄而險捐田數畝培成孔道且障水
護田隣里沾利

李氏梅國樞妻儉約自持於里黨貧乏好為矜恤所求必應
子若孫成諸生者十餘輩有領鄉薦者

毛氏楊子雅妻壽百歲子七人曾元孫一百八人五世一堂
男婦二百餘口游庠者三人初雅與伯父兩子分產三分
而取一其二分且屬膏腴子雅俱以屬伯氏絕無異辭人
咸稱其能讓

蔡氏庠生陳士蘊妻蘊有志操生四子朝夕課讀蔡紡績以
資膏火蘊中殂蔡優禮延師成夫舊願子以疇以常以職
俱成名有聲

曾氏鄧自生妻自生欲修邑洗馬橋尋故氏費數百金修之
明烈婦

周氏劉鴻恩妻素有清操爲獻賊所掠氏抗罵不污賊殺之

碎其尸

縣志

劉氏伍鎮東妻東爲諸生早世氏年二十四遺孤甫一歲有
求娶者引刀自殺鄰婦救免茹荼鞠子遊泮拔院史獎其

烈

通志

伍氏楊世美妻年二十一夫卒父母勸之他適氏矢志撫孤
逾年孤殤遂不食死

縣志

王氏周德麟妻癸未冬獻賊殺擄勢急王謂夫曰妾惟一死
以報君遇賊邑東女兒橋率其婢蘭花赴水死

縣志

國朝

烈婦

陳氏許孔暘妻年二十一夫卒無子陳呼號徹晝夜不食死

常德府志

卷四十七

列女烈婦

二

族人憐之合葬城東舊志

鄧氏彭國儀妻年十七歸儀甫周歲病劇語氏曰我死汝無子可守宜他適氏泣曰夫死我亦死耳儀曰汝即死吾不及見何自苦氏痛夫之言是夕遂自經通志

謝氏許兆鳳妻年十八歸許越一載夫故遺一子尋天奉姑孝數載姑沒母憐其孤貧令改適謝哭奔夫墓自縊

李氏童成功妻名世貞幼聰敏以聲律解吟咏年十九歸童無出越四年夫故幾以身殉為夫繼嗣未幾子又夭李縊死葬離夫墓尺許開壙夫塚忽裂遂合葬焉

陳氏毛學讓妻年二十二夫卒無子家窘甚自食糠粃勤紡

績以甘旨奉翁姑鄰里憐其寒苦遺以財帛輒不受翁姑

歿鬻宅典衣以葬自經死

明節婦

孫氏史源濟妻年二十五而寡誓死守節宣德中旌統志

梅氏伍景妻年十八適景明年景卒不踰年舅姑繼逝父憐

其少且貧欲改嫁之氏截髮明志紡績自給成化間旌統志

史氏袁奎妻年二十三守節貧甚紡績奉姑撫子成立成化

中旌統志

康氏庠生熊富秋妻年二十富秋卒氏矢志奉姑撫子成立

隆慶間旌通志

蔡氏張懋勛妻年二十二寡遺腹生女矢志不再適女將笄以諸生顧汝學為養婿未幾婿與女俱歿依外孫終老事

聞旌通志

鍾氏史廷佐妻年二十孀居與嫡楊氏教長孫與祿成名萬

歷辛亥與祿疏上其事旌通志

王氏曾義妻年十九義卒撫遺腹子厲節養姑以孝聞隆慶

二年旌統志

雙氏彭潢妻年二十一守志貧不改操孫序成諸生列其事

請旌曾孫之鳳仕至光祿少卿袁鯨有記通志

周氏庠生馬希文妻年二十寡撫三月遺孤之馴食餼未幾

之馴又故同媳胡氏以雙節稱卒年六十一通志

唐氏史贊舜妾年二十一婺居規範最嚴雖兵火播遷造次

顛沛不妄與男子通一語年踰八十通志

王氏劉鴻統妻年十八夫故撫孤震乾家貧守節四十年崇

正間巡按劉獎其門縣志

胡氏庠生馮之訓妻年二十四寡撫孫如龍明末兵變毀容

奉孀姑周氏卒獲保全姑年六十一終氏以守喪過哀而

殞通志

國朝

柏氏胡忠采妻年二十一夫故遺子一甫周同孀姑張氏矢

守卒年六十有七有司額其門曰貞壽通志

周氏童養聰妻年十九守節教子逢運入庠年六十餘卒縣志

王氏劉侃遠妻夫卒年二十四日不再食身無完衣苦節五十餘年統志

統志

楊氏庠生張聖聽妻年二十二寡撫孤煊斗每課讀徹晝夜

翁姑生忌辰必泣薦之年六十七終舊志

趙氏彭之虬妻年二十六虬擄於兵氏事姑孝終始相依教

子士翼補郡庠旋食餼年六十一卒舊志

劉氏許翌邦妻年二十二守節枕刀自誓遞經喪亂不變卒

年八十七舊志

童氏葉逢茂妻年二十五夫死矢節乾隆元年旌通志

曾氏劉延妻年十九寡無子女田產誓死以養姑姑卒曾亦

死統志

許氏馮兆鵬妻夫沒遺二子尚在乳哺翁姑慮貧欲再嫁氏

斷髮泣拒翁姑沒典屋營葬未幾長子鎮夫婦相繼卒許

復撫孫有志成立乾隆二十年巡撫楊獎之通志

李氏史崑山妻年二十二夫故長子二歲次子僅三月李守

貧矢志脫簪珥以養翁姑而自食藜藿撫二子成立苦節

五十年乾隆二十年巡撫楊獎之通志

劉氏庠生張輝斗妻夫沒孤紋方穉遺腹生子素時氏年二

十四值滇寇至城中居民皆走匿氏以姑老攜兩弱息相
依不去卒免於難年六十兩孤請為劉壽氏猶以未亡人

泣却之舊志

王氏張紋妻夫沒無子氏年二十六撫姪大倫為嗣事孀姑
必竭其力立志守節延師訓子採藜藿勤紡績以資膏火

課大倫成諸生舊志

成氏馮開運妻年二十三守節撫子兆先兆祥年六十餘舊志

唐氏生員彭光炳妻炳病唐割股和藥不起哀毀瀕死者再

撫三子成立明述邑庠生乾隆二十一年旌通志

劉氏彭瑄妻年二十六生子德峻甫六日夫故矢志貞守踰

年翁復故鬻產勤事父憐其窘勸之再嫁氏不從茹苦食

荼教子業儒成諸生乾隆三十八年旌

彭氏生員羅洪開妻生三子年二十六夫故彭事姑盡心奉

養治喪如禮長孫魁領武鄉薦壽八十以孫貴膺封

張氏章世德妻年二十七夫死遺二子守節翁老且病時值

炎夏張扇枕百餘日達旦不休翁感其孝臨沒以目屬氏

泣數行下聞者嘆服年六十卒

余氏宋應遠妻年二十遺腹一子守節父母憐其少且貧勸

令他適氏遂不歸寧苦節五十五年

陳氏庠生彭遂宣妻年十六適彭二年而寡家貧無子翁姑

合改適不從撫族子娶媳薛氏生一孫未三年亦寡姑媳相依守節

梅氏李愛周妻幼隨父讀書能詩年二十五夫亡撫子課讀教孫本西成名氏年七十七

鄔氏王維壩妻維壩少聰慧能文早世氏年二十三遺二子父欲其再醮氏泣曰翁姑年老不忍他適年五十九

李氏鍾顯德妻年二十一夫死守義教子清秀成諸生乾隆四十三年有里人因年荒鬻妻李聞將已出典錢給止之年八十

曾氏歐尙智妻幼隨父僑居星沙時年十八贅智甫月餘智

故父憐其少留之曾泣曰守義豈可於父母之門扶觀歸

遺腹生子學孟教讀成立氏年六十一

戴氏童廉盛妻生子尙繼甫三月夫故時年十九翁姑憫其少寡屢勸改適氏誓死無異志年六十卒

鄭氏賈國衍妻衍死鄭年十九遺腹一子守節三十年姑亦孀居朝夕左右卒之日屬子敬事祖母

曾氏伍德湜妻年十九夫故無子以姪桂馨爲子食貧教讀孫曾俱列邑庠年八十八

宋氏劉先黃妻年十六生子八月而寡後舉孫三曾孫九元孫五日親五世年八十六

何氏蔡琮妻夫死遺孤吉達時年二十二伯氏欲奪其志何剪髮拒之年七十四終

陳氏李如櫛妻年二十夫故僅一女一日翁失足溺水幾斃陳從救之乃免姑病割股愈之翁姑俱享長年氏年八十餘

全氏庠生高承珂妻嫻內則精女工年二十夫死無子立嗣撫養有勸改適者輒咬指瀝血以誓聞者惻然

王氏庠生蔡家基妻母家素富氏甘淡泊年二十二夫死生子大寅甫二歲教之成立舉二孫大寅尋天媳張氏亦少年矢志未幾與長孫相繼故孫媳趙氏年二十五守志一

門三節皆王倡之年八十餘

楊氏廖必惠妻年二十而寡僅一女繼子定經教讀完娶與孫未幾經故孫亦繼歿熒熒白髮孤苦無怨言

徐氏熊大春妻年十九夫故遺孤次孟甫五月徐矢志苦守撫之成立奉翁姑極孝歷四十餘年不渝

蕭氏陳嘉浩妻年十九歸陳甫二月浩死無出舅姑憫其年少令改適輒泣拒之閱二十餘年苦節彌貞

劉氏蔡清世妻年二十四夫亡撫一子伯氏欲奪其志劉剪髮監心勤儉自守孫列膠庠氏年七十餘

蔡氏陳虞璣妻年二十生子甫週歲璣故撫子完嗣舉孫子

尋故蔡復撫之媳史氏亦守志

周氏彭元和妻年十九夫故遺孤未踰歲越二年大旱茶蓼
自茹撫子完娶生孫越一載子又故周撫兩世辛劬倍至
章氏張文錦妻年二十夫故子未週歲章撫摩長育奉翁姑
調膳必親始終不懈守節四十年

尙氏陳尙胡妻方未歸時胡素多疾其父欲悔盟女謂父曰
姻緣有命肯盟不義願適陳以聽命婚六月物故遺腹一
女氏矢節不變

王氏周黃妻年二十二適周甫十月黃故遺腹生子有義
諸生娶媳舉孫未幾子若媳相繼故王復撫幼孫成立

翁氏曾大韜妻年三十無子勸夫娶妾劉氏生子甫八月
故劉亦故聶撫孤成立憫姪貧兼撫教完娶割己田與之
陳氏庠生袁宗誠妻生三子年二十六夫故翁明紀倡修夾
堤橋未竣亦故陳與姑曾氏續成翁志節義兩著

高氏楊如植妻年二十一生子連甫週歲植故高撫養教讀
不稍姑息年七十有二

楊氏曹如古妻年十八歸曹相敬如賓尤篤事翁越三載夫
故無子幾以死殉後倚兩姪以終

陳氏呂德振妻年二十一生子光大甫月餘振亡陳撫遺穉
祇事繼姑無二志

馬氏童心炳妻治家有法門內肅然夫死茹蘖飲水子悟盛以選貢任安鄉教諭氏年六十餘膺封

金氏蘭紹訓妻歸甫三月夫故截髮毀容以伯子為己子堅貞苦守時年二十一歷節四十餘年

周氏鄧大固妻年二十一夫故無子繼叔子永思為嗣娶生孫永思故周復撫孫以苦節聞

曠氏廖沂妻年二十五寡遺二子必楷必模娣歐陽氏年十九亦寡遺腹五月生子必馨姆媵同孀守年七十餘

羅氏庠生曾以恒繼室年二十適恒逾年恒故撫夫前妻子炳文如己出延師教讀成諸生

毛氏黃世緒妻生一子緒故撫夫姪尙岱娶媳牟氏年十八岱故遺腹生子以雙節稱

熊氏杜黃載妻年十九歸杜明年夫故無子甘貧守志並姪為嗣年八十四

聶氏陳德隆妻年十九生子元甫兩月夫故時舅年八十氏撫孤奉翁備極勤苦

歐氏廖廷豸妻豸卒遺一子淳氏年二十二苦志教讀期振先緒越二十七年母子繼亡

廖氏曾世澤妻年二十澤死遺腹生子以釗教讀成名姑死事翁愈謹年六十四

王氏劉先善妻年二十而寡撫子毓麟苦志教讀連舉五孫
氏年五十八

王氏庠生熊來黃之母夫死年二十艱辛撫子年八十四

唐氏庠生陳盛昌妻年二十六夫死教子德沛食餼年六十四

王氏李正柏妻年二十五生一子夫死王以死殉絕而復甦

祖遺田產甚薄子有美又善病王紡績撫養壽七十一終

孫賜璋補邑庠

馮氏許國珍妻生子家駒甫三月夫故馮年二十六奉翁姑

及祖翁姑備極歎懇值歲饑僅疊遭喪葬俱如禮撫

立年八十六終

劉氏蔡鑑妻年二十五寡撫一子尋故旋撫孫教讀成立

九十老翁生事死葬如禮劉年九十終

孫氏陰綾妻年二十二寡家貧子幼湖田數畝遞年無收孫

採撫菱芡雜糲自甘歷四十餘年

譙氏蕭國尚妻年二十五生二子苦守姑欲奪其志譙誓死

不改姑亦感悟慈孝交至

丁氏徐倫妻年二十一夫故家貧丁水心永矢撫孤耕讀克

成家業

熊氏黃尙琇妻年二十九撫一子守節姑勸他適熊飲食俱

廢痛哭不止姑感其誠始無異辭

曾氏史載武妻年二十二夫死遺一子翁姑早逝以死自誓
撫孤承嗣無替厥緒

劉氏宋國獻妻年二十二寡撫孤十歲孤殤劉以寡姑奉養
無依立嗣守節事姑克孝

周氏楊承緒妻年十八生子先文逾年又生一女夫死姑老
家貧孀居四十餘載

彭氏帥之謨妻年十九生子正朝氏守節孝養雙親撫子成
立久而不衰

劉氏彭文聘妻年二十七寡撫孤遠謨完娶甫期年謨又逝
遺腹生孫兩世一綫賴以不絕

雷氏吳英尙妻年二十五寡遺子宏浦甫二齡事姑生養死
葬皆盡禮撫孤成立卒年七十一知縣葉元祺卒逢雍俱

類獎

何氏蕭增渭妻年二十七夫死遺二子清貧苦守撫子成立
教授蔡璣題其門

向氏金甲榜妻年二十二寡上無翁姑下無子女依父母家
守節七十年

雷氏呂光曙光昇母年二十六夫死遺田二畝紡績度日曙
娶媳雷氏甫二載曙死遺腹生一孫未幾媳暨仲子相繼

死雷撫孫成立年五十餘終

丁氏席忠妻年二十三而寡撫一子國柱媳張氏年二十一
生一子張又寡兩世撫孤丁年六十三終

張氏高承圍妻生子正柱甫二載圍故張年二十五矢志守
節易子讀書尤好施與遇困乏不時周濟壽八十餘無病
而終

廖氏蕭明惠妻氏年二十六翁姑與夫相繼棄世無子苦守
族不爲立嗣撫楊姓子世泰完娶成家歷三十餘年卒

周氏馮有珍妻年十九歸馮明年珍故遺子貽謨苦守紡績
營生克敬事姑

彭氏吳宏誥妻年二十七撫一子開大苦守見四世孫

雷氏庠生廖曙妻性至孝始熊氏病篤醫治莫效雷割股愈
之生三子次子必恭娶媳楊氏甫八月必恭死遺腹生孫

楊繼守之姑婦皆年八十餘

彭氏高承洛妻有孝行姑病臥經年屢藥罔效彭割股煎湯
愈之時盛暑血痕立愈鄉鄰以爲孝感子蘭英廩生

上孝婦

袁貞女武陵人幼字彭大闔年二十未嫁大闔故袁奔喪哀
麻不去身月餘父母別納媒言女聞遂自經死合葬大闔

墓

通志

馬貞女母早喪初字全姓未婚改字他姓遂成訟官將提訊
女曰一辱再聘再辱公庭其何以堪惟有一死以全吾身

遂自經

鄧貞女幼許字沈姓將笄沈故父欲別字女堅不從依母貞守父給以田產以一孫事之年六十五卒

劉貞女幼許字史宏行八歲嫗養史宅行年十二隨人往川越數載翁尋子同沒於川劉聞哭奠誓死守貞行兄宏璞死妻李氏因年荒再醮遺一子劉獨撫之成立年四十族人額曰猶是女兒

高貞女高士蓮女幼許字李彌長將嫁彌長往川莫知定所年三十父母翁姑皆欲改字女拒不從依母以終上貞女

趙氏孝英楊瑞側室能詩著有春園小草梅花閣詩抄瑞沒

編錄其遺藁若干卷藏於家 閨秀

熊氏史自新母壽百有八歲乾隆二十五年 旌

杜氏馬璠母壽百有三歲乾隆五十年 旌

陳氏貢生胡然定妻庠生穆灝母秉性貞靜年百有三歲雍正九年知縣譚頌獎

丁氏李子太妻壽百有二歲生四生子親見六世

劉氏戴登雲妻壽九十四教子崇節儉敦禮讓每有義舉不惜捐貲長子婦曾氏壽百歲親見五世

張氏庠生鄧瑾母劉氏監生楊之行妻皆年九十餘五世同

堂

沈氏蕭世慎妻劉氏袁讚妻沈年三十守節撫孤三世年九十餘劉年三十一守志撫子若孤五世同堂皆節壽兩著
廖氏庠生蔡振世妻王氏鄧之鶴妻皆夫早逝撫子課讀有
成廖讀書曉文義壽九十六王壽八十八


劉氏何諦簡妻子正時正樂正笏俱諸生氏年九十子將孫
慶止之命建益龍橋上壽婦

王氏湯展彩妻善承夫志好施與五世同堂年九十六孫進
承妻劉氏年二十五連承故撫遺孤事翁姑暨祖姑以孝
稱現年五十九

伍氏龍陽諸生周之梅妻之梅資志早卒親老平幼家室多

故又歲比不登氏艱苦備嘗克盡孝慈每夕紡績之聲與
書聲相喧午夜歷延名宿曲盡禮意子朝階冠南皆成諸

生補



常德府志卷四十八

傳第十五

列傳

列女 沅江

國朝 賢婦

宋氏秦玉鐸妻年二十八夫遠出子一甫週歲訛傳夫死於北道氏攜胞弟往尋遺骸備歷險阻生遇同歸夫婦偕老氏年九十四

彭氏石如珂妻生子五如珂先卒氏事姑孝治家有法好施與宗族親戚時為周濟年七十時目廢歷十年復能視物行不用杖人以為陰德之報四代一堂男婦同慶六十餘

口悉遵其訓

王氏監生鄒成命之妻劉氏監生吳漢之母皆好善樂施湖
口邑孔道也 王氏捐修義渡吳氏捐產以垂可久人不病
涉

國朝 烈婦

吳氏曹家政妻 吳啟秘之女年二十八夫故遺二子俱幼茹
苦矢志惟繼 祖姑在曲盡孝養連被水災繼祖姑歿夫之
伯叔憐其貧困促令招夫氏執不從赴水死時年三十五
族人直田專祀

賀氏鄧元常妻 氏年十五歸元常未幾元常病甚泣曰我不

起汝青年曷能守氏恐夫疑有異志潛入後園投井死
日元常歿邑人為詩歌以傳之

李氏羅啟祥妻 娶年十九甫月餘啟祥故人謂年少新婦守
節難氏聞之憂憤自經死

明 節婦

王氏賈賢妻 婚八月而賢卒氏年十八遺腹生子父欲奪其
志氏誓死守節紡績奉姑官賜獨鶴霜天額 總志

段氏樊斗妻 年二十七夫喪撫遺腹子東曉成諸生未幾子
婦相繼沒氏撫幼孫清苦益勵 總志

王氏曾義妻 義卒氏年十九遺腹生子勵節養姑隆慶二年

事聞詔旌 通志

賈氏周玉妻年十八夫卒苦貧守節誓不再嫁崇正末旌 通志

蕭氏生員舒泰妻泰赴省試卒於旅氏年二十貧苦勵操四

十餘年 總志

劉氏郭紹傳妻年十七夫故遺子珩未週歲父母屢勸再適

不從不苟言不色服孝事翁姑治家嚴肅子珩入泮邑令

贈額 通志

國朝

楊氏庠生吳才崙妻年二十八夫故撫孤守節姑臥病氏孝

養不懈夫弟才崙卒與其妻宋氏兩孀相依撫子與姪成

諸生以孫俊升貴膺封乾隆八年 旌 通志

宋氏吳才崙妻年二十五夫沒長子啟鼎甫二歲遺腹生子

啟秘氏侍姑孝養毋違姑沒值歲荒殯葬負土封塋啟鼎

成諸生歷節三十年 通志

李氏祝如琬妻年二十夫故遺三子氏撫育歷盡艱辛子鳳

卜成諸生初其夫死臨葬暴雨氏哭之哀俄而雨霽乾隆

三十五年 旌

郭氏生員秦秉煥妻年二十夫故遺腹生子玉潤事翁姑必

親調膳不委之娣姒潤力學遊泮及見曾孫衣衿之盛乾

隆四十三年 旌

劉氏庠生曹芝蕊妻年二十四夫沒氏親井日勤紡績二子

炳煥成諸生見五代孫年八十四乾隆五十八年 旌

鍾氏庠生楊世利妻年二十八夫沒遺子四勤紡績以奉姑

長子尙黃年十九沒次子尙載庠生尙黃妻李氏年十八

生一子歿亦守義撫夫弟子為嗣兩世冰節鍾年七十一

李年六十一卒嘉慶四年 旌

張氏楊金琳妻琳善讀因病未幾歿張年二十七生子四越

數年翁姑及三子皆相繼歿撫幼子成立卒年五十六長

子梓婦王氏年二十八梓卒生子方一月奉姑育子備歷

艱辛卒年七十二

劉氏邑庠生楊金棫妻 金琳弟婦也棫卒劉年二十七生

纔四月誓志撫孤甫 成人而天繼琳子為嗣與嫂氏甘心

荼蓼年六十卒

鄒氏楊彬妻彬金琳子 出為伯父後鄒年二十五彬卒無子

父母欲改適鄒聞之 引刀削其髮姑奪刀復嚼舌出血誓

日所下為易氏請冬 身皆年如化石所醫之古及醫者皆無

哀卒年五十六

劉氏庠生陳宗蕃妻年 二十七夫故生二子長三齡次遺腹

生翁經以明經銓常 寧訓導卒於任扶觀歸里家徒壁立

氏經營喪葬哀感路 人長子籌補諸生氏年六十六宗蕃

弟宗敬妻聶氏生二子年二十六守節見曾孫年八十六
汪氏王者廷妻年二十四夫故一子甫三歲撫之成立翁年
八十八姑年七十八生養死葬氏皆盡禮人稱孝婦晚年
齒落更生目能夜續人以為罕見卒年八十五

蕭氏何凱旋妻年二十六夫故子甫五歲翁恐其年少語氏
兄令改適氏聞言以死誓性勤儉事翁與繼姑以孝稱卒
年七十二孫曾兩補生監

謝氏李竹坡妻拔貢李 大瓚嗣母年十九夫歿誓志守節或
憐其年少無子勸改適輒泣曰我雖無子嗣子獨不可承
祀乎撫之教讀成立卒年七十二

李氏吳啟坤妻坤贅於李氏見翁姑 衰邁歸夫家侍奉啟
故氏年二十八一子方週歲家止 瘠田數畝連遭水淹無
隔宿糧父母勸其改嫁即嚼舌自 誓終教子成立見孫枝
卒年六十七

李氏劉大受妻年二十六夫故生二 子赤貧苦守姑病癱臥
床二十餘年飲食起居曲盡其誠 家稱小康皆氏撐持之
力卒年六十五

王氏吳世萬妻年二十二夫故遺子 甫數月氏欲引決自裁
族人勸止之吳氏累世單丁繼姑 劉復老病氏奉養撫育
克立門戶卒年六十三

聶氏王本傑妻本傑入贅無子一女甫二歲夫故翁姑繼亡依父母守節父母憐之終盡其志卒年六十

陳氏鄧徽妻年二十三夫故生子甫六月飲泣哺孤姑病民虔禱願以身代姑旋愈人稱孝感卒年五十八

譙氏楊尚德妻年十六歸楊生子甫三月夫故民痛不欲生以翁與繼姑在堂生死咸賴卒撫子成立歿年五十八

楊氏李立朝妻年十六適李十八夫故生遺腹子家瑗氏奉姑撫孤子紡績課讀卒年五十四

湯氏危夏書妻年二十七夫故遺二子長六歲次五歲氏夫兄弟五人同居各爨氏無恒產惟屋後餘地半畝

續以自給孫元勳庠生氏年四十五

張氏晏傑妻年十六歸晏未一載夫故有遺腹氏毀容泣血誓以身殉翁姑恐其傷生苦勸稍釋未幾生男守節十五年卒

劉氏張爵尊妻年十九夫故氏誓不欲生以翁衰姑病夫弟復幼強起支持現年五十八

張氏李書兆妻年十九夫故僅一女矢志守節有欲奪其志者氏信胞弟鳴官邑令余擇長房子為嗣贈節凜冰霜額

娶媳早故續娶楊氏無子妾呂氏生二子尚幼嗣子卒一門三節氏年八十三

吳氏鄧元煦妻年二十四夫故遺一女氏欲以身殉親支俱

單丁立族子亨巽數年伯叔偕亡兩姪俱孤僅薄田數畝

氏代持門戶年七十七

楊氏李忠良妻年十九夫故遺腹生一子家貧女工營生奉

翁姑曲盡婦職子亡僅一孫伶丁孤苦氏年七十三

王氏方同里妻年十五歸方十九夫故遺腹生一子既壯受

室子媳俱亡氏撫幼孫年七十三

李氏謝元虎妻年二十六夫故遺子二長四歲次方踰月家

極貧矢志守節紡績撫孤成立伯叔五人姑歿後獨養病

翁七年氏年七十三

楊氏鄧幾妻年十六歸鄧十八舉子越月夫故撫孤勵節備

歷艱辛年七十

楊氏石有造妻年十四歸石十九夫故青春矢志無子家徒

壁立撫猶子承祧衰姑在堂生事死葬竭力營辦今眼觀

四代年六十九

張氏楊尙烟妻年二十夫故生二子守節閨房嚴肅周親至

亦不踰閭年六十

談氏劉宗顯妻年二十六夫故遺三子乾隆戊戌旱荒刈蓬

蒿充饑清操不改年六十

祝氏劉嶽妻姑病變欽以衰毀卒惟遺二女氏年二十一撫

姪良觀為嗣每翁姑及夫生忌日盡哀盡禮終其身年六十有四

皮氏李光家妻年二十一夫故時翁姑在堂長子方三齡次子遺腹生氏事親撫孤辦理翁姑喪葬勤課二子讀

七十二

陳氏黃永貞妻年二十五夫故遺二子長二齡次五月姑王

氏亦孀居病臥十餘年永貞無兄弟氏以婦代子甘旨醫藥之資隻身營辦年七十

徐氏王學青妻年二十一夫故生遺腹一子姑亦孀居俯仰

惟氏年五十九

楊氏羅銳妻年二十八夫故遺一子清方成立而亡撫二孫

氏年八十六媳亦楊氏年二十一守節歷六十五年長孫

松娶楊氏年二十八松故撫姪為嗣歷節二十六年次孫

栢娶彭氏幼養於羅及婚生三子年二十九栢故亦封髮

目矢撫子成立歷節二十一年蓋一門四節云

張氏庠生陳簫妻年二十八夫故生子纔數月夫弟子士翔

甫生氏並乳撫之游泮食饌氏年七十一

雷氏鄧繡妻幼知書年二十六夫故無子撫二女足不踰闕

卒年九十

王氏張麟妻年二十二夫故僅遺一子氏甘貧守節閨房嚴

肅族人罕見其面卒年九十

譙氏汪友芝妻歲貢生譙衿次女年二十七夫故撫遺孤二次子早卒踰年長媳亡遺孫一子因家貧難再娶氏食蓼茹荼拾薪自爨撫孫成立見曾孫二人卒年八十六

高氏皮飾玉妻年十八夫故遺子尙乳哺家貧矢志事翁姑克盡婦道邑令韓額獎卒年八十六

楊氏李日英妻年十九夫故子爲嵩娶劉氏年二十六而寡孫之澤補邑庠楊年六十有一劉年八十有三

熊氏曹廷選妻年十五適曹十九夫故生遺腹子氏撫孤事舅姑卒年八十一

楊氏謝元惠妻年二十二夫故生二子長再珍三歲次再甫歲餘氏甘貧守節奉姑撫子孫六補邑庠者三人學使范製聯額獎之卒年八十二

金氏鄧元休妻年二十二而寡生二子尙乳哺針紉自給卒年七十四

高氏李成柯妻年二十二夫故遺腹生一子氏矢志守節事翁姑卒年七十三

黃氏唐爲書妻年二十一夫故一子甫三月撫之成立娶媳彭氏年二十四亦生子三月而寡姑媳孀居氏撫孫持家卒年八十一彭現年七十四

金氏庠生秦秉信妻年二十夫故遺孤甫三月勤女工以資衣食卒年七十三

劉氏李大柯妻年二十四夫故一子甫冠物故氏痛夫沒子死幾不欲生撫姪學萱繼焉卒年七十二

王氏職員劉蠡妻生子宗益甫週歲蠡故氏年三十歲娶媳吳氏未幾宗益亦故吳年二十四娠六月氏恐斬夫嗣矢志撫姪越四月生遺腹子大嶽及長教讀完娶子與姪無異視兩世孀居王年七十一吳年六十

李氏張如柏妻年二十夫故生子甫八月氏事姑撫孤子煥入太學孫蛟入邑庠卒年六十六

蕭氏職員湯尙志繼妻年二十一尙志故遺腹生子禮銘視前夫子如己出禮銘補邑庠氏年六十六

皮氏熊世錦妻年二十八而寡遺二子長未娶而殤次年二十四亦亡媳郭氏年二十一孫二均幼穉姑婦相依爲命皮卒年六十一郭後始四年卒

鄧氏陳人敬妻年二十七夫故生二子長五歲次在抱遞歷凶歲採藿自食積米以贖姑卒年六十一

鄧氏生員張其謨妻年一十一夫故一子方週歲礪節不逾卒年六十一

王氏李名昆妻年二十四夫故無子撫姪爲嗣未幾亦故家

計維艱氏作苦茹浚撫孫卒年五十九

皮氏李宗溥妻年二十四夫故一子未週歲捐齊湖口義田
六畝年四十二卒子九吉痛母不起遺一子媳陳氏熒熒
子立矢志撫育

趙氏張其煒妻年二十六夫故一子德錦甫歲餘受室後復
先卒遺三子媳陳氏亦冰霜自矢詳孝婦

郭氏李本魁妻年二十一而寡撫三月孤成立孫曾繞膝氏現
年九十一

許氏王世鐸妻年二十八夫故無子幾欲身殉先是其姑唐
氏年二十七翁故其夫僅三齡念姑苦節喪子相依者數

十年後始擇堂姪爲嗣姑今八十有五自養氏朝夕扶
兩節相承姑賢婦孝現年六十二

祝氏王大鵬妻年二十一而寡無子撫姪本標爲嗣生孫承
緝嗣子故氏與嗣媳劉氏兩寡相相依撫孫成立入成均曾
孫林立現年七十六

田氏王嘉宇妻二十七夫故遺腹生一子先是氏夫亦遺腹
生賴姑李氏守志撫成氏甘貧砥節上事衰姑下育弱息
姑年八十三氏年七十六

陳氏曹成謨妻年二十四夫故無子矢志守節撫姪士偕爲
嗣孫曾饒膝現年七十

張氏曹廷迪妻年二十四夫故遺一子紹宗娶媳劉氏生子家伸僅月餘紹宗故劉氏年二十一五家伸生三子又故媳祝氏依祖姑與姑其守清操一門三節張年七十二故劉氏現年七十二祝氏現年五十

胡氏李易學妻年二十夫故遺一子鹿鳴媳湯氏年二十五而寡子幼家貧敬事孀姑胡卒年七十湯年五十

科氏趙應潢妻年二十二夫故一子遺腹生隻身拮据現年五十四

趙氏張光典妻年二十夫故一子何襁褓氏矢志撫孤年五十卒

黎氏唐志進妻年十六歸唐甫三載夫故生一子僅歲餘兵善事翁姑子克成先緒見曾孫數人現年七十六

黎氏李家仁妻年十九夫故一子遺腹生有以家貧勸氏再醮者卽起避不聽撫孤成立現年五十一

王氏羅霖鐸妻年二十夫故生一子甫完娶子媳偕亡僅遺一孫氏復撫之甘貧苦節卒年九十三

劉氏金學泗妻年二十八夫故矢志奉舅姑卒年六十三媳黃氏金葉妻年二十七葉故生三子俱幼氏居夫喪畢其母誘以異志氏曰姑昔不忍棄吾夫而他適吾今豈忍棄其子而背吾姑乎現年五十四

陳氏祝鳳祥妻 旌表祝李氏之次媳年二十夫故止一女

撫姪光祐承祀卒年八十一又李氏之姪鳳年妻皮氏年

二十四夫故家貧無子撫姪光嗣為子卒年八十三

陳氏熊如鶴妻年十九夫故遺一子氏矢志撫孤歷盡艱辛

守節六十九年

楊氏李大維妻年十九夫故一子尚在襁褓事翁姑撫孤子

卒年五十

梁氏彭元生妻年二十夫故無子撫姪周承祀食貧礪節現

年七十五

鍾氏李立集妻年二十一夫故遺腹生子誓志撫孤獨立持

家奉舅姑始終盡禮子家撰入成均氏年五十七

楊氏李永芳妻年十九夫故僅一女無子矢志從一撫夫兄

次子事姑撫孤堅貞不渝年五十四

蕭氏黃克敬妻太學生黃和侯之母年二十二夫故事祖翁

姑及翁姑養生送死俱如禮卒年五十九

劉氏鄧元長妻年二十五夫故生遺腹子氏守志紡績勤勞

人無間言現年七十二

張氏顏朝聘妻年二十七夫故遺二子翁國亮曾於乾隆二

十五年捐會家塋田二十畝後更買石磯塋田十畝充之

昌廟香火費氏善體翁意周濟貧苦現年五十三

陳氏張玉談妻年十六適張二十夫故一子在抱氏飲泣乳
哺上奉翁姑孝養無缺現年五十三

吳氏李宗洛妻編修吳俊升女年二十二夫故一子方歲過
氏矢志屏絕鉛膏侍翁姑稱孝姑卒復善事繼姑夫弟皆
幼教讀與子一視子孔監生歷節二十八年

楊氏李立高妻年十八夫故生子甫週歲氏矢志撫孤翁姑
相繼歿祖翁姑猶存一身承兩代喪祭盡禮現年五十

陳氏祝鳳辰妻年二十一夫故長子甫二歲次子遺腹生夜
燈課讀次子游泮食餼氏卒年五十五

孝婦 貞女 壽婦

陳氏張德錦妻幼育於張翁早逝奉孀姑趙氏夫故遺三子
氏拮据俯育姑病垂危醫藥罔效割股以進姑病輒愈人
咸異之今刀痕宛然年六十一

皮氏 欽賜國子監學正李光照之妻善事翁姑和偕娣姒
翁老姑更齒落氏細意奉膳不異口哺內外稱賢子六人
皆列膠庠有登武賢書者

楊氏傅立誠妻年二十八無子勸夫置妾李氏生子未匝月
夫故氏偕李氏守節夫兄嫂繼逝翁年九十目盲獨侍十
數年夫兄遺二子亦爲撫恤現年五十四 上孝婦

陳貞女陳克俊之女許字賀佳少育於賀未婚年十四佳賢

易桑植不歸後傳其已故氏遣人覓數載無耗志不他適

撫姪為嗣現年六十

上貞女

陳氏余元臣妻子六人孫十五曾孫三十一元孫七內外百

餘白眼見五世壽百有三歲

劉氏舉人皮琨妻熊氏王榮妻高氏陳日懋妻秦氏艾成章

妻皆年近三十內守節壽九十餘節壽兼著

姚氏庠生王嗣臯妻王氏庠生劉宗唐妻袁氏李世宗妻皆

五世同堂壽九十餘袁壽八十餘

李氏諸生廖發榮妻年二十五榮生子

立過貧乏者轍分潤之里人稱賢



易柔植不歸後傳其已故氏遣人覓數載無耗志不他適
撫姪為嗣現年六十女上貞

陳氏余元臣妻子六人孫十五曾孫三十一元孫七內外百
餘有眼見五世壽百有三歲

劉氏舉人皮琨妻熊氏王榮妻高氏陳日懋妻秦氏艾成章
妻皆年近三十內守節壽九十餘節壽兼著

五世同堂壽九十餘袁壽八十餘

李氏諸生廖榮妻年二十五榮生子補錄
立過貧乏者轍分潤之里人稱賢

